

مختصر

جغرافیای عمومی

مکاتب رشدیہ بہ مخصوص

اثر:
(عبداللہ محمد فیضی)

اوچونچی طبع

ناشری:

معارف کتابخانہ سی

КАЗАНЬ,
Типо-литографія И. В. Ермолаевой.
(бывш. Ключникова)
1908.

﴿ مختصر ﴾

جغرافیای عمومی

﴿ مکاتب رشدیہ بہ مخصوص ﴾

اثر:

(عبداللہ محمد فیض)

﴿ اوچونچی طبع ﴾

ناشری:

معارف کتب خانہ سی

یرمالایوا مطبعہ سی
قرآن ۱۹۰۸ سنہ .

بسم الله الرحمن الرحيم

مقدمه

جغرافيانىڭ تعريفى

اوزرنده يوربىوب گزديكمز ارضنىڭ احوالدىن بحث ايدىن
واوزرنده كى طاغىر وصولر وانسانلرى تعريف وبيان ايدىن علمه
(جغرافيا) دىنور.

جغرافيا لغتنىڭ اصلى: - جغرافيا كلمەس تر كچه دگلدر بولكلمەنىڭ
اصلى يونان لسانىدە (يه آ = ارض) (غرافى = كىتابت) دن مركبدر كە
تر كچه دە جغرافيا دبو مستعملدر. معناسى (كىتابت ارض) دىمكلر.

جغرافيانىڭ اقسامى

بوعلمنىڭ اقسامى بك چوق ايسە دە جغرافياى طبيعى، جغرافياى
پوليتىقى، جغرافياى رياضى، و جغرافياى دىنى قسىملرى مشهوردر.
جغرافياى طبيعى، ارض اوزرنە بولغان طاغىر، صولر، انسانلر،
حيوانلر، آغاچلر، و بولنرە بگزر شيلردن بحث ايدر.

جغرافياى پوليتىقى، دولت و حكومتلرڭ ادارەلردن، ولايتلرە
تقسىمىدىن، مشهور شهر و قصبەلردن و الحاصل انسانلر طرفىدىن
ياپلمش آئاردن بحث ايدر.

جغرافياى رياضى، ارضنىڭ كونشە، قمرە و ديگر كواكبە
اولان بعدىدىن و سائر مناسباتىدىن بحث ايدر.

جغرافياى دىنى، ارض اوزرنە ياشايان انسانلرڭ دىن و مذهبلىرىدىن
بحث ايدر.

جغرافيانىڭ فائىدەسى

بر كيمسە هر نە قدر زىككىن اولسە ونە قدر چوق ياشاسە دە
ارضنىڭ هر بر عملنى گىزوب طولاشەمز. لىكن بو علمى اوگر نىمكلە

بر درجه هر مملکتندرده گی حیوانات و نباتاتنك نوع و جنس لرله
انسانلرینك عادات و اخلاق لرینه و شكل و صورتلرینه، لسانلرینه
واقف اولهراق هر شیدن قولایچه خبردار اولور.

ارض و ارضنك یوارلاق اولدیغی

ارض برنجی باقشده دوب دوز و نهایتسز کی کوزیگور
ایسه ده شمدی به قدر وقوع بولان سیاحتلر واسطه سیله قاچ دفعه لر
دور اولندیغندن عین بر قار بوز کی یوارلاق اولهراق وهیچ
بر محله مر بوط اولمیهراق فضا دینلن بوشلقده طوردیغی ظاهر
بیلمشدر. وکذا ساحل دریاده طوران بر آدم اوزاقتن کلن بر
کمی به باقدقده اولا کمینك دیرك اوچلرینی وکمی یاقلاشدقچه اوستنی
و نهایت تو بن کورمسی و دوزیرده کیدن بر آدم دخی جوار کویلرده بولنان
جامعلرنك اڭ اول مناره باشلرینی و یاقلاشدقچه شرفه و قبه لرینی و اڭ
صوگوره تکمیل جامعی کورمسی بودعوایی اثباته دلیل کافیدر. لکن
ارضنك کرویتی تام اولمیوب ایکی مقابل طرفلری بر آرز باضیقدر.

ارضنك هر کتلی

ارض هم محور دینلن بر موهوم خط اوزرنده وهمده کونشك
اطرافند دور ایدر. ارضنك کندی محوری اطرافند دوری بکرمی دورت
ساعتده وجوده کلوب کیچه ایله کوندزك و چودینه سبب اولور که بو
هرکته (هرکت یومیه) دینلور. ارضنك کونش اطرافنداغی دورندن
مواسم اربعه حصوله کلوب بو هرکتنی اوچ یوز آلتمش بش کوندن
بر آرز فضل مدنده ا کمال ایدر.

ارضنك خط و نقطه و دائره لری

علما ارض اوزرنده بر طاقم خط و نقطه و دائره لر فرض
ایتمشلور که بونلر واسطه سیله ارضه راجع مسئله لر قولایچه بیلنور.

ارضك محوری: - بر خط موهمدر که ارض او خط اوزرنده حرکت یومیه سنی اجرا ایدر.

ارضك قطبیری: - محورنك ایکی اوچلری ارضك ایکی قطبیری اولوب بری قطب شمالی دیگرى قطب جنوبیدر. ارضك باصیق اولان جهت لری اوشبو قطب جهت لریدر.

دائرة استوا: - هر نقطه سی قطبلردن مساوی اوزاقلقلرده بولنان بر بیوك دائرة در که ارضی ایکی مساوی قسمه آیریر. دائرة نصف النهار: - ارضك ایکی قطبلردن کچن بیوك دائرة به دینور که ارض اوزرنده بولنان هر بر اورندن بر نصف النهار دائرة سی کچه بیلور.

دوائر متوازیه: - دائرة استوادن قطبلره طوغری دائرة استوایه موازی اوله رق رسم اولنمش دائرة لردر که قطبلره طوغری کوچولور لر. مدار سرطان مدار جدی مدار قطب شمالی و مدار قطب جنوبی: - دائرة متوازیه لر بیننك دورت مشهور دائرة واردر که ایکی سی دائرة استوایه و ایکی سی قطبلره یقیندر. دائرة استوایه یقین اولانلردن بری مدار سرطان دیگرى مدار جدی در. قطبلره یقین اولانلردن بری مدار قطب شمالی دیگرى مدار جنوبیدر.

طول مکان: - معین بر موقعدن کچن بر نصف النهار دائرة سنه دیگر بر مکاندن اوزاقلغی اول مکاننك طولیدر. طول درجه لری خط استوا اوزرنده بولنان رقم لردن اوقیلور.

عرض مکان: - بر مکاننك عرضی او مکان ایله خط استوا ما بیننك اولان اوزاقلق در. عرض درجه لری دائرة نصف النهار اوزرنده بولنان رقم لردن اوقنور.

مبدأ عرض دائما خط استوا اولوب، مبدأ طول ایسه استدی کمز بر نصف النهار دائرة سی اوله بیلور. مع ما فیه هر قوم کندیلرینه مخصوص بر مبدأ طول اتخاذ اینمشلردر.

دائره‌لر عمومیتله (۳۶۰) درجه‌یه تقسیم اولنمشدر. هر درجه (۶۰) ثانیه و هر ثانیه (۶۰) ثالثیه بولنمشدر. اوپله ایسه خط استوا دن قطبلره قدر اولان مسافه ننگ (۹۰) درجه اولمسی لازم کلور. یوقاریدن ظاهر اولدیغنه کوره خط استوا یه موازی بولنان دائره‌لر عرض دائره‌لری اولوب نصف النهار دائره‌لری طول دائره‌لری اولمسی لازم کلور.

ارضک منطقه‌لری: - ارضک مدار سرطان ایله مدار جدی آراسنده قالان قسمنه (منطقه حاره) و قطب مدار لر ایله مدار سرطان و مدار جدی آراسنده قالان قسمنه (مناطق معتدله) و قطب مدار لر ایله قطبلر آراسندای قسمنده (مناطق بارده) دینلور. مناطق حاره ارضک اڭ صیجاق و مناطق بارده اڭ صغوق بولری اولوب مناطق معتدله نه پک زیاده صغوق ونده پک زیاده صیجاق اولان اولنلریدر. مناطق معتدله و بارده شمالی و جنوبی اوله رق ایکیشر پارچه‌درلر.

جهتلر

ارضک هر نقطه‌سنی قولایجه تعیین ایده بیلیمک ایچون اولجهات اصلیه دینلن دورت نقطه یه لزوم واردر. آنلرده: غرب، شمال و جنوب لر. شرق و غرب: - شرق کونک طوغدیغی و غرب باتدیغی نقطه‌درکه بولنره (مشرق و مغرب) دخی دینور.

شمال و جنوب: - شرقی صاغنه غربی صولنه آلهرق طوران بر آدمک اوڭ طرفی شمال آرقه طرفی جنوب جهتلریدر. ارضک شماله متوجه اولان قطبی (قطب شمالی) جنوبه طوغری اولان قطبی (قطب جنوبی)در.

شمال نقطه‌سی تیمور قازیق و یا قطب یلدیزی دینلن بولدر ایله معلوم اولور.

جهت فرعیه: - شرق شمالی، شرق جنوبی، غرب شمالی، غرب جنوبی، شمال شرقی، شمال غربی، جنوب شرقی، جنوب غربی نقطه لری اولوب جهات اصلیه لرك آرالرنده واقع در لر. بونلردن باشقه دهه بر چوق جهتلر وار ایسه دهه اڭ معروف اولنلری بونلردر. بوصله: - (كامپاس) دینلن بر آلتدر که جهتلری تعیین ایتمك ایچون مستعملدر. ماوی (كوك) اولان اوچی دائما شمالی کوستریر.

سطح ارض

قره لر وصولر: - ارضنك سطحی باشلیچه طوپراق و صودان مرکب اولوب صو قسسی طوپراغك اوچ مثلثی قدردر. یعنی سطح ارضك دورت بلوكده بر بلوگی قره واوچ بلوگی صودر.

قره لر: - سطح ارضده قره لر پارچه اولمیوب صولرله بر برندن تفریق اولنمش بیش بیوك پارچه در که بهر پارچه یه قطعه دینور. اسملری: آوروپا، آسیا، آفریقا، آمریکا آؤسترالیادر.

صولر: بحر محیط هندی، بحر محیط کبیر، بحر محیط آطلاسی، بحر منجمد شمالی، بحر منجمد جنوبی ناملریله بش بیوك اوقیانوسدن عبارتدر که بونلره طیش دگز دینلوب، بونلردن ماعدا بولنان اوفاق دگزله ایچ دگز دینلور.

ایسکی ویانگی دنیا: - آوروپا، آسیا، و آفریقایه ایسکیدن بیرو بیلندکلری ایچون (ایسکی دنیا = بر قدیم)، آمریکا ایله آؤسترالیایه یگی بولندکلری ایچون (یگی دنیا = بر جدید) دینلمشدر. قطعات خمسه دن اڭ بیوکی آسیا اولوب صکوره صره سیله آمریکا، آفریقا، آؤسترالیایه، آوروپا قطعهلری کلور.

بحر محیط کبیر آسیا ایله آمریکا آره سنده بحر محیط آطلاسی آوروپا و آفریقا ایله آمریکا آره سنده، بحر محیط هندی آسیانك جنوبنده، بحر منجمد شمالی قطب شمالیده و بحر منجمد جنوبی قطب جنوبیده واقعدر لر.

کره^۱ مصنعه - کره^۲ مسطحه - خریطه

کره^۱ مصنعه ارضنک بر کوچک موده لی اولوب طبقی ارض کبی یوارلاق آغاچدن ویا مقوادن یاپیلهرق اوزرینه قطعه و آطه لر ، خط ونقطه لر رسم اولنور. بو کبی کره^۲ لرده ارضنک شکی واقسام مشهوره سی حقنده بر مختصر فکر ویریلور.

کره^۲ مسطحه : - ارضنک تمامنی بر برینه بتیشک ایکی دائره ایچنده اولهرق کوستون کاغدلوردر.

خریطه لر : - کرک کره^۱ مصنعه لر و کرک کره^۲ مسطحه لر ارضی تفصیلات لازمه سیله کوستره مزله. بونک ایچون بر قطعه نک ویا بر عملکنک کاغد ویا خود مشمع اوزرینه رسم اولنمسنه لزوم کوریلمشدرکه بو مثللو کاغدلره (خریطه) دینور.

خریطه لرنک دائما یوقاری طرفی شمال ، آشاغی طرفی جنوب ، صاغ طرفی شرق و صول طرفی غربدر.

مقیاس : - بر خطدرکه خریطه نک یاننده بولنوب ارضنک اصل شکلندن قاچ دفعه کوچولمش اولدیغنی کوستور. ایکی شهرنک ما بیننکگی مسافه بی تعیین ایتمک ایچون ، خریطه اوزرندن ایکی شهرنک ما بیننی آرشین ویاخود (متره) ایله اولجه بهرک صوکره مقیاس ایله ضرب اینمیلیدر.

قره لره و صولره ویریلن اسملر

آطه : - هر طرفی صو ایله محاط اولان قره لردرکه عربچه سی (جزیره) در . بربرینه یقین بولنان بر چوق آطه لره ترکچه طاقم آطه لر و عربچه (جزائر مجتمعه) دینور.

یاریم آطه : - هر طرفی صو اولوب بر جهنی قره یه بیتشمش اولان برلردرکه قره یه بیتشک اولان طرفی طار اولورسه (برزخ) دیرلر.

برون : قره لرنك اوچلى اوله رق دگزه طوغرى اولان
چقندیلریدرکه عربچه (رأس) دینلور.

دگز: - غایت کینش و بیوک اولان طوزلی صولره دینورکه
عربچه سی (بحر) در. بونلرنك چوق بیوکترینه (بحر محیط) دیرلر.
بوغاز: - ایکی قره آره سنده صیقشمش دگزنك طار ملیدر.
اگر بو طار محل انسانلر طرفندن یاپلمش سه (قنال) دینور.

اووا، صحرا: - قره لرنك دوز و منبت یرلرینه (اووا) واوتمز
صوسز غیر منبت یرلرینه (چول، صحرا، استیب) دینور.

طاغ = جبل: - قره لرنك غایت یوکسک یرلریدر. بونلرنك
کوچکلرینه (تپه، بایر، تل) دینور. طاغنك اڭ یوکسک مملنه (دروه،
صورت) و اڭ آشاغی مملرینه (اتک، دامن) و اتک ایله دروه آره سنده گی
مملره (یان، یاماج) دینور.

صره طاغله: - بربرینه برلشمش اولان اوزون طاغله دینورکه
عربچه (سلسله جبال) دینلور.

سطح مائل = ورسان: - طاغله و بایرلر الحاصل ارضنك بتون
یوکسکلگری صولری طرف طرف آقتمسیدر. هر سطح مائلنك
صولری باشقه باشقه دگزلره آقارلر.

یانار طاغ = وولقان: - تپه سندن آتش و دومان واریمش
معدنلر چیقان طاغله درکه عربچه (برکان) دینور.
کچید: - ایکی طاغ و یاخود طاغ ایله دگز ویا نهر آره سنده گی
طار بوللردر.

وادى = دره: - ایکی طاغ آراسنده بولنان آلچاق و دوز یرلردر.
اورمان = قورو: - آغاچی چوق اولان یرلردر.

نهر = ایرماق: - آقان صولرنك بیوکلریدرکه بونلرا کثریا
دگزلره دوکیلورلر. دگزه دوکلمیوبده باشقه بر نهره دوکیلورسه
(چای) دینور.

منبع، منصب: - صولرنك یردن چیتدیغی عله (منبع) وایکنچی بر نهره ویاخود دگره دوگیلدیگی عله (منصب) دینور.
 صاغ، صول: - صولرنك آقدیغی جهت کیدیله چك اولورسه صاغ جهت (صویك صاغ قیسی) وصول جهت (صویك صول قیسی) در.
 حوضه: - بر دره وایاقلرینك صواره بیلدیگی یرلر در.
 چاغلايان = شلاله: - صولرنك یوقارودن آشغی به دوشمسیدرکه عربچه (سلسبیل) دینور.

عروق بنی بشر

عرق ابیض یاخود قفقاز جنسی: - آوروپاده، آسیانك غربنده، آفریقانك شمالنده بولنوب، آمریقاده دخی کتدکچه چوغالمقده در. عرق ابیض نك رنکلی بیاض، باشلری بمرطه شکلده، آغزلری کوچك، دوداقلری اینجه، صاچلری ایپك کبی یموشاقدیر.
 عرق اصفر یاخود مغول جنسی: - کینش یوزلریله، یوارلاق باشلریله، بیوک آغزلریله، باصیف بورونلریله، یاناقلرنده اولان کمینگ زیاده چیقنتیسی ایله، اوزون وطار کوزلریله فرق اولنولر. بوجنس انسانلر آسیانك شرق طرفلرنده ساکندرلر.
 عرق اسود = زنجی = زنکی: - سیاه رنگلی. یاصی آلینلی، اوست دیشلری چیقیق: دوداقلری قالین، آغزلری بیوک، برونلری قیصه ویاصی، قیللری سرتدر. بونلر آفریقانك بر چوق یرلرنده بولنولر.

عرق احمر: - آمریقانك اصل سکنهسی اولوب قرمزى انسانلردرکه شمدی کتدکچه آزالمقده وانقراض بولمقده درلر. ایشته کوریلورکه دنیاده کی انسانلر باشلیچه دورت جنسه تقسیم اولنورکه بونلرده (عرق احمر)، (عرق اسود = زنجی) و (عرق اصفر) در.

اصول معیشت

وحشت: - آفریقا طاغزلرنده و آؤسترالیاده بر نوع انسانلر واردر که عقل ایله یاپلمش اولان معارف و صنایعدن کاملاً محروم اوله رق حال وحشتمده یاشامقده درلر. بویله انسانلره (وحشی) دیولر. بونلر مغاره لرده، آغاچ بوشلقلرندک آغاچ داللرندن یاپلمش کوچمه اولرده اسکان ایدهرک یمکلری، آغاچ یاپراقلری، طوتدقلری بالق و غیره حیوانات بریه و بحریه در. بونلرده البسه فلان اولمدیغی کبی پیشرومک نه اولدیغنی ده بیلمزلر. بونلرده انسان یمک کبی فنا عادتلرده موجوددر.

بدویت: - بر طاقم انسانلر واردر که حال وحشتدن دها یوقاری بر مرتبه ده اوله رق حال بدویتده یاشارلر. بونلر ننگ مسکنلری اکثریا یوندن معمول چادرلر و طوپراقدن مصنوع خانهلر اولوب رعی ایتمکلری حیوانلر ننگ ات و سودلریله تعیش ایدرلر. بونلر بر یرده قرار اینمیوب حیوانلریله برابر بر اورندن دیگرینه کوچهرک امرار اوقات ایتمکده درلر.

مدنیت: - انسانلر ننگ حال بدویتدن قورتیلوب بر جمعیت منظمه تختمده یاشا یانلرینه (مدنی) دینلور. مدنیلر علم معرفت، هنر و صنعتچه ائک ایلر و کیدنلر اولوب آغاچدن یاخود طاشدن معمول خانهلرده اسکان ایدرلر. بر طاقم خانهلرک بر یره طوپلمه سنندن حاصل اولان هیئته بیوک کسینه کوره قریه، قصبه و شهر ناملری ویریلور. بنی بشر ایچنده ائک عالی مرتبه ده بولنانلر مدنیلردر که بونلر دخی بر درجه ده اولمیوب آرالرنده آز چوق فرق واردر.

اداره و حکومت

بر اداره تختمده اولوب بر قانون و نظامه تابع اولان بر یاخود بر قاچ مملکت اهالیسنک مجموعی دولت و او دولتک اداره سنی

در عهد این آدملر (حکومت) تسمیه اولنور. مدنی آدملرنک حکومتی
اوج صورت اوزره اولوب بری حکومت مستقله دیگرى حکومت
مشروطه و اوچنچیسى حکومت جمهوریه در .

حکومت مستقله: - رئیس اولان ذات ایمپیراتور، قرال، شاه
یاخود سلطان نامیله تسمیه اوله رق اقتدارى غیر محدوددر . تکمیل
امروفرمانلری نظام وزاقون اولور . یاپه چغى ایشى کمسه دن صورمز .
وایسندیکنى جبرا اجرا ایدر .

حکومت مشروطه: - قرال و حکمدار یعنی رئیس اولان ذاتک
اقتدارى محدود اولوب ملت مجلسندن (دومادن) صورمه دن بر ایش
یاپه مز. بویله اولان دولتدرده، نظامات (ملت مجلسى) طرفندن یاپیلوب
حکمدار طرفندن تصدیق اولنور. ملت مجلسند هر ولایتدن و یاخود هر طرفندن
اهالی طرفندن انتخاب ایدیلوب بولالانمش آدملر بولنور. بو آدملره (چلمین)
مبعوث بونلرک اوتوردقلى مجلسه (مجلس مبعوثان) (دوما) دینلور .
حکومت جمهوریه: حکومت مستقله و مشروطه ده آتادن اوغله توارثا
نقل ایدن و دائمی اولان بر پادشاهلق اولدیغى حالده حکومت
جمهوریه ده او یله شیلر یوقدر بلکه مجلس مبعوثان طرفندن و کندی
ما بینلرندن انتخاب اولنمش بر آدم موقتا حکم ایدر .

ادیان

موحد و کتابی: - جناب رب العالمینی بر بیلوب کتب منزله دن
برینه ایمان و اعتقاد ایدنلردر .

مشرك: - الهك كثرتی ایله قائل اولانلردر . اهل كتاب اوج
قسم اولوب بری (محمدی = اسلام) دیگرى (عیسوی = خریستیان)
واوچنچیسى (یهودى = موسوی) در .

محمدی: - الله تبارك و تعالی بی بر بیلوب محمد علیه السلامه
وشریعته ایمان ایدنلردر .

عیسوی : - حضرت عیسیایه ایمان ایدوب انجیل شریف ایله عمل ایدنلدرکه بونلر دورت قسملر اورتودوقس ، پروتستان ، قاتولیک ، غریغوریان .

موسوی : - حضرت موسی علیه السلام ایله تورات شریفه ایمان ایدنلدر .
بتون دنیاده بولنان بر بچق میلاردن زیاده اهلینک تقریباً (۲۵۰) میلیون اسلام (۲۰) میلیون خریستیان (۷) میلیون یهودی اوله رق باقیسی مشرک یعنی مجوسیلردر . مجوسیلر دخی تاپدقلری شیلره کوره (پوت پرست) ، (بولدز پرست) ، (آتش پرست) اسملرینی آلورلر .

آوروپا قطعہسی

آوروپا قطعہسینک حدودی : - آوروپا شمالا بحر منجمد شمالی ، غربا بحر محیط آطلاسی ، جنوبا بحر سفید بحر سیاه قافقاز طاغلری ، شرقا آسیا ایله آوروپا آراسنده بولنان اورال طاغلری اورال نہری بحر خزر ایله چویرلمشدر .

آوروپانک مشهور آطهلری : - شمالده اسپیچبرغ ، زامبل جدید (نوؤی زیمله) ، بریتانیا طاقم آطهلری ایله ایسلانده ، جنوبنده بالهر ، یونان ، سیقلاد طاقم آطهلریله قورسیقا ، ساردینیا ، سچیلیا ، کرید آطهلری واقعدر .

آوروپانک یارم آطهلری : - شمالده اسقاندیناویا ، سمبریك جنوبنده اسپانیا ، ایٹالیا ، بالقان ، مورہ قریمدر .

آوروپاده بولنان برزخلر : - آوروپاده آچق بربرزخ اولوب قریم شبه جزیره سنی قره یه ربط ایلمشدرکه اوده (پره قوب) در .

آوروپاده گی قناللر : - آوروپاده آچق بر قنال واردرکه (قورنت) قنالی دینور . مورہ شبه جزیره سینی قره دن تفریق ایدر .

آوروپاده واقع مشهور برونلر : - شمالده نوردکین و شمال غربیده فینیسٹر ، جنوبده سن و نسان ، تاریرقا ، ماتاپاندر .

آوروپانك مشهور طاغلری : - شمالده اسقاندینا ویا ، شرقده اورال ، قفقاز وسطده قاریات ، آلب جنوبنده پیره نه ، آبه نین ، بالقان سلسله لریدر . آوروپانك اك یوكسك حلی آلب طاغلری اوزرنده واقع (مون بلان) دینلان مملدر .

آوروپاده واقع وولقانلر : - شمالده ایسلانده آطه سنده (هقلا) ، جنوبده سچیلیا آطه سنده (اتنا) ، ایتالیا (وهزو) وولقانلری واردر . آوروپایی احاطه ایدن دگزلر : - بحر منجمد شمالی دن حاصل اولمش (بحر قاره) و (بحر ابیض) و بحر محیط آطلا سیدن حاصل اولان (آق دگز) ، (بیسقای دگزی) ، (مانش دگزی) ، (شمال دگزی) ، (بالطیف دگزی) و آق دگزدن حاصل اولمش (تره نین) ، (یونان) ، (آدریانك) ، (آطه لر) ، (مرمه) ، (قوه) (آزاق) دگزلری و هیچ بر طرفدن بیوك دگزره متصل اولمیان خزر دگزی واردر .

آوروپانك مشهور كورفلری : - شمالده بوتنی ، فنلانده كورفلری بحر بالطیف دن ، زوئیدرزه كورفزی شمال دگزدن ، جنوبده لیون ، جنویز كورفلری آق دگزدن ، تارانته ، لپانت كورفلری یونان دگزدن ، غلوص ، سلانیک كورفلری آطه لر دگزدن ، پیدا اولمشلردر . آوروپانك مشهور بوغازلری : - شمالده اسقاژ اراق ، قانغات ، سوند ، بیوك بلیت ، كوچك بلیت ناملرنده بیش عدد بوغاز واردر كه بالطف و شمال دگزلرینی برلشدیرلر . (پادوقاله) بوغازی ایله شمال ومانش دگزلری برلشور . ایرلانده ایله بریتانیای کبیر بیئنه شمال و سن ژورژ بوغازلری ، جنوبده آفریقا ایله آروپا آره سنك (سبته = جبل الطارق) ، ساردینیا ایله قورسیقه آراسنده (بونیفاجیو) ، ایتالیا ایله سچیلیا آراسنده (مسینا) ، ایتالیا ایله بالقان شبه جزیره سی آراسنده (اوطرانت) ، آسیا ایله آروپا آراسنده (چناق قلعه) و (قاره دگز) بوغازلریله بحر سیاه ایله آزاق دگزینی وصل ایدن (كوج) بوغازلری موجوددر .

آر و پاده مشهور اولان بر چاغلیمان واردر که اوده اسویچره ده
راین نهرینک حصوله کنوردیکی (شافغوز) شلاله سیدر.

آر و پانک مشهور نهرلری: - شمالده پیچورا، دوینای شمالی
نهرلری واقع اولوب بحر منجمد شمالی به آقارلر. نیوا نهری فنلانده
کورفزینه، دوینای جنوبی نهری ریغا کورفزینه دوکیلور. وسطده
نیمن، ویسلا اودر نهرلری کنذک بحر بالطقه جاریدر لر. الهه،
وزر، راین، موز، تایمس نهرلری بحر شماله جریان ایدر لر. غربده
مانشه دوگیلان (سن) ایله بسقای دگزینه جاری لوار، غارون، بحر
محیط آطلاسی به آقان منهو، دورو، تاج، وادی العنه، وادی الکبیر
نام نهرلر واقع در. آر و پای جنوبیده بحر سفیده دوگیلان ابر،
رون، پو وقره دگزه جریان ایدن طونه، دنیستر، دنیپر بحر آراقه
دوگیلان دون بحر خزره جریان ایدن ژولغا و اورال نهرلری واردر.
بو نهرلرنک اڭ بیوکی ژولغا، ایکنچیس طونه نهریدر.

آر و پانک مشهور کوللری: - شمالده: اونه غا، لادوغا، ونر،
وتر ملار وسطده: قونستانس زوریخ، نوشاتل، قوم، عارد جنوبده
اشقودره کوللریدر که بونلرک هپسی برر آیاقله دگزه آقمده در لر.

(۱) روسیه

روسیه مملکتی آر و پانک تماما شرق قسیمه آسیانک شمال
وسط جهت لرندن مرکب اوله رق غایت واسعدر. کره ارضک قره
قسمنک یدیده بری قدر جسمته مالک اولان روسیه مملکتی جسمتی
قدر غلبه لک اولمیوب اکثر یرلری بوش وغیر مسکون در. آنچق
اوجده بری معمور و مزروعدر.

آر و پای روسی: - آر و پای روسی کاملا آر و پانک شرق
قسیدر. شمالا بحری منجمد شمالی غربا اسوچ ونور وچ مملکتلریله
بوتنی کورفزی، بالطیق دگزی، پروسیا، آؤستریا، رومانیا مملکتلری،

جنوباً بحر سیاه ایله قافقازیا طاغلری، شرقاً بحر خزر، اورال طاغلری، اورال نهری ایله محدود اوله رق بتون قطعه ننگ نصفینن زیاده در. آوروپای روسیه بولنان دکولر: - شمالاً بحر منجمد شمالی ایله بونندن حاصل اولان بحر قاره بحر ابیض جنوبده بحر سیاه ایله آندن حاصل اولان بحر آزاق غربده بحر بالطیف شرقده بحر خزر واقعدرلر.

روسیهده بولنان آطه لر: - وایقاج، قالكوئف، زامل جدید بحر منجمد شمالیده، داغو، اوزل، علاننده، آبو بحر بالطیقه واقعدرلر. بحر منجمد شمالیده بولنان آطه لر غایت شمالی اولدقلرنین صغوق وغیر مسکوندر. اوزلرنه قارو بوزدن باشقه برشی کورنمز. مع مافیله روس آوچیلری سنهده بر قاچ دفعه کیده ره ک کور کلی حیوانلر وایری بالقولر آولارلر.

روسیهده بولنان کورفلر: - فنلانده، بوتنی ریغا کورفلری بحر بالطیقین حاصل اولمشلدر. پره قوب برنخی ایله کرچ بوغازی روسیهده واقعدرلر.

روسیهده واقع طاغلر: - شرقده اورال طاغلری جنوبده قافقاز طاغلری وسطده (والدای) طاغلریدرکه آوروپای روسیه بولنان نهرلری جنوبی و شمالی سطح مائله تقسیم ایدرلر. اورال طاغلری معدنلرنه چوقلغیله مشهوردر.

روسیهده بولنان کوللر: - لادوگا کولی اونهغا، ایلمن وسایما کوللرینک صوینی برر مجرا ایله اخذ ایدر. بیلا کولی ژولغه نهرینه صو ویرر. پیپوس کولی فنلانده کورفینه آقار.

روسیهده بولنان نهرلر: - روسیه مملکتی دورت سطح مائله منقسمدر. بحر منجمد شمالی سطح مائلنه (قارا) (پچورا) (مهزن) (دوینای شمالی) و (اونهغا) نهرلری جریان ایدرلر. بونلردن اوچ صکوه گیلر بحر ابیضه منسوبدرلر.

بحر بالطق سطح مائلینه (اسوج) حدودینی تفریق ایدن
 (طوره او) نهری ولادوغه کولنک صوینی فنلاند کورفزینه کتورن
 (نیوا) نهری وریرغا کورفزینه دوکیلان (دوینای جنوبی) نهری
 ونهایتلری پروسیده بولنان (نیمن) (ویسلا) نهرلری جریان ایدرلر.
 بحر سیاه سطح مائلنه طونهنگ بر آیاغی بولنان درومانیا ایله روسیه
 آراسنده حد فاصل بولنان (پروت) نهری ایله (دنپستر) و (دنپپر)
 نهرلری آقارلر. دون نهری آزاق دگزینه منصب اوله رق غایتله جسیمدر.
 آیاقلری (خوبر) (دونپچ) (مانپچ) چایلریدر. دنپپر نهرینه (پینسک)
 بتاقلنگک صوینی بوشالیدن (پریپت) چایله آغزینه یقین بوغ
 ایرماغی قوشیلر. (قوبان) نهری (کرچ) بوغازی قریبده قاره دگزه
 قاریشور. بحر خزره دوگیلان انهارک الک بیوگی وولغادر. نهرمذکور
 والدای طاغلری قریبده اوفاق بر کولدن چیمقارق روسیه ایچروسنده
 (۳۰۰) ویرست مسافه آفدقدن صگره بر چوق آغزلرله (استرخان)
 قریبده دگزه دوکیلور. نهرمذکور بعض کره طغیان ایدره ک اطراف
 وجوانینی دگز حالنه کتورر. دروننگ کثرت اوزره بولنان بالقلردن
 خویار (ایکرا) استحصال اولنور. مشهور آیاقلری صاغده (اوقا) صوی
 و اوقانک آیاغی بولنان (مسقوا) ایرماغی وصوله (قاما) نهری ایله
 آیاقلری بولنان (ویاتقه) و (بیلا) نهرلریدر. وولغه دن باشقه (اورال)
 (تهرک) نهرلری دخی بحر خزره منصب اولورلر. اوشبو دورت سطح
 مائله کائن کولور ونه رلر بر طاقم قناللر واسطه سیله بر بر یله برلشمش لدر.
 مثلا وولغه نهریله لادوغا کولی دنپپر نهریله دوینای جنوبی نهری کبی.
 روسیه مملکتی طاغلری غایتله آز فقط انهاری غایتله چوق
 دوز بر مملکتدر. شمال طرفلری غیر مثبت اولوب زیاده سیله
 صغوقدر. وسط و غرب جهتلری الک غلبه لک والک گوزل زرع اولنان
 حلالر اولوب اول یرلرده بغدادی وحبوبات سائره کثیر اورمانلری

دخی چوقدر. آوروپانك اڭ جسيم بتاقلغى اولان (پېنسىق)
 بتاقلغى ده اوراده در. جنوب طرفلرنده ايسه هوا بر آز معتدل
 اولدیغندن مزروعات ايجمه محصول ايرر. باخصوص بغدادى پك
 چوقدر ويوزم دخی يتشور. شرق سمتلرى ايسه بيوك اورمانلرى
 وبركتلى معدنلرى ايله مشهور اولوب تيمور، باقر، آلتون، كمش،
 پلاتين، و طوز حاصلاتى چوق در. دون نهري جوارنده بيوك كمور
 معدنلرى وارد كه اڭ بيوك اوچاقلرى (دونچ) ايرماغى حواليسنده در.
 روسيه كلمه سى تلفظ اولندقدن شمتلى صفوقلى خاطره كلور.
 زيرا بو مملكتنك شمال طرفلرنده دگل و سطنده بيله صفوقنك
 (۰۰) درجه يه ايندىكى آز دگلدر.

مشهور شهرلر

مشهور شهرلر: - (سن پيتربورغ) روسيه دولتينيڭ پايتختى
 اولوب اون سكزنجى عصر ابتدا لرنده بتاقلقلر ايجنده بيوك (پيترور)
 طرفندن بنا اولمىشدر. پايتخت اوله ليدنبرو كوندن كونه كسب
 معموريت ايدرك آوروپا پسايتخنلرينك برنجى لسرى صره سنه
 داخل اولمىشدر. مقدار نفوسى (۱,۱۳۲,۶۰۰) راده سنده در. لادوفا
 كولنى فنلاند كورزيمه ايسال ايدن نيوانهري پيتربورغنك اورته سنمن
 جريان ايدوب دورث آغزو آغزلرى آراسنده بر طاقم آطه لر حاصل
 ايتمىشدر. (قرونشناد) قلعه سى پيتربورغى دگز طرفندن محافظه
 ايدر. (ريغا) شهرى (۲۵۶,۱۰۰) نفوسلى ريغا كورزنده و ديويىناي
 جنوبينك آغزنده كائن تجار تكاه بر بلده در. (وېلنا) (۱۵۹,۵۰۰)
 نفوسلى بروسيه حدودينه قريب تجار تكاه و مستحكم بر شهر در.
 (آرقانچل) روسيه نك اڭ شمالى بر شهرى اولوب دويناى شمالى
 نهرينك منصبنده واقعدر نفوسى (۶۰,۰۰۰) (هلسنفورس) (۴۵۰,۰۰۰)

نفوس فنلاندیه ولایتینک مرکزی اولوب فنلاند کورفزی کنارنده مهم براسکله در. (ژارشاوا) ۶۳۸,۳۰۰ نفوسی حاوی اوله رق ویسلا نهری اوزرنده در. گوزل ابنیه سی و تجارتی چوقدر. (لودز) (۳۱۵,۲۰۰) نفوسلی بر شهر اولوب فابریقالریله مشهور در. (کیشنی) (۱۰۸,۷۰۰) نفوسلی دنیستر نهرینه قریب بر محله اولوب مستحکم بر شهر در. دنیپر نهری آغزنده کائن (خرسون) تجارتیله و بوغ نهری اوزرنده واقع (نیقولایف) ترسانه سیله مشهور در. (اوده سا) (۴۰۵,۰۰۰) نفوسلی بحر سیاه کنارنده کائن عظیم و تجارتی نگاه بر بلده در. (سمفروپل) قریم شبه جزیره سینک مرکزی در. ایسکی قریم خانلرینک پایتختی (بغچه سرائی) ایدی. (سیواستوپول) شهری قریم شبه جزیره سنده کائن مستحکم بر اسکله ولیماندر. دنیپر نهری اوزرنده کائن (نه قترینسلاو) شهری (۱۲۱,۲۰۰) نفوسلی بر شهر اولوب بیوک نه قترینه نامینه بنا اولمیشدر. دون نهرنده کائن روسته ف (۱۱۹,۸۰۰) نفوسی) شهری و آزاق دگزنده بر کوچوچک شبه جزیره اوزرنده کائن (طاغانروق) (۵۶,۰۰۰) نفوس) تجارتیله مشهور در لر. دون نهری اوزرنده کائن (نووچرقاسق) شهری دون قازاقلرینک مرکزی در. (کییف) دنیپر نهری اوزرنده واقع اولوب (۲۴۷,۴۰۰) نفوسی حاوی مشهور و تجارتی نگاه بر بلده در.

(استرخان) و ولغانهرینک آغزنده واقع اولوب (۱۱۳,۰۰۰) نفوسلی، (ساراتوف) (۱۳۷,۰۰۰) نفوس. (سامارا) (۷۵,۰۰۰) هکنه و ولغانهری اوزرنده واقع در لر. (قازان) و ولغانهریله قامانهرینک برلشدیکی محله یقین بر بیوک شهر اولوب ساختیان و کون فابریقالریله مشهور در. مقدماتا تارخانلرینک مقری ایدی. (۱۳۱,۵۰۰) نفوس. پنایری ایله مشهور اولان (نیژنی نووگورد) شهری اوقا نهریله و ولغانهرینک قوشلدیغی برده واقع در، (۶۶,۰۰۰) نفوس) (مسقوا) شهری پیتربورغلن اول پایتخت اولوب بو کونگی

کونده دخی روسیه ننگ ایکنچی بله سیدر، بو شهر اوقا نهریننگ بر
 آیاغی اولان مسقوا نهری اوزرینه بنا اولنمشدر. نفوس (۹۸۸,۶۰۰)
 اولوب غایت تجارتگاه بر بلده در. روسیه ایمپراطورلری مسقوده
 (قره مل) سراینده تنوج ایدر لر. (اورینبورغ) آسیای روسی ایله
 آوروپای روسی ما بیننده بر استانسه اوله رق اورال نهری اوزرنک
 کائندر (۵۶,۶۰۰) نفوس. (استاورپول) (ولادیقو قاس) (پیتروفسق)
 شهرلری داغستانک بلاد معروفه سندندر.

حکومت. - روسیه حکومتی بو کونگی کونده اداره مشروطه
 صاییلر ایسه ده نصل اداره اولدیغنی کمسه بیله مز. رأس اداره ده
 ایمپراطورلقی ایله یاد اولنان (تسار) حضرتلری اوتورمقده در. روسیه
 ملت مجلسینه (دوما) دینلور. بوندن بشقه (سناتو) مجلسی، (مجلس اعیان)
 و (سینود) واردر. مجلس اعیان (دوما) ننگ قرارینی تصدیق ایدوب
 ایتمامک اثرنده اختیار لیدر. ایسترسه تصدیق ایدر ایسترسه رد
 ایدر. سناتو مجلسی لازم کورینان نظاملری یاپارق (دوما) یه تقدیم
 ایدر دوما ایسترسه قبول ایدر ایسترسه رد ایدر، سینود اعضالری
 کاملا روحانی اولوب روحانی ایشلردن بشقه ایله مشغول اولماز.
 ایمپراطور حضرتلری بونلرک کلیسنه رئیس اولوب آنک رضالغندن
 بشقه بر شی یاپه مازلر.

مذهب: - روسیه ده مذهب رسمی (اورتودوقس) یعنی (روم)
 مذهپیدر ایمپراطور حضرتلری اوشبو مذهبنگ رئیس روحانی سیدر.
 غرب طرفلرنک قتولیک و یهودیلر چوقدر. جنوب و شرق جنوبیک
 اهل اسلام کثرت اوزره بولنور. بحر بالطیق سواحلنده بر مقدار
 پروتستان واردر.

سکنه: - روسیه سکنه سیننگ جنسلری مختلفدر. سکنه سیننگ قسم
 اعظمی (اسلاو) در. بر قسمی دخی (فینوا) جنسنه منسوب اوله رق

شمالده ساکن اولان (لاپون) و (صموئید) و (فنلاند) اقوامی بونلره منسوبدر. مواقع شرقیه و جنوبیهده (مغول) جنسندن اولان (قالهوق) (نوغای)، (قیرغیز) و (تاتار) اقوامی ساکندر.

قافقاس طاغلری جوارنگ (چیرکاس) اقوامی منوطندر. روسیه ننگ نفوس عمومیه سی (۱۳۰) میلیونن زیاده اولوب (۱۰۵) میلیونن زیاده سی آوروپای روسیهده و متباقیسی آزیای روسیهده روسیهده رسمی لسان روسچه اولدیغی حالده هر قومنگ کندینه مخصوص لسانلری وارددر.

روسیهده بولنان اسلاملرا کثریته (ترکی) لسانیله قونشماقدلر. تاتار و ترک اقوامنگ اصل مسکنی آسیای وسطی یعنی ترکستاندر. روسیه قطعه سیننگ اگ بیوک محصولاتی حبوبات، حیوانات و معادندر. مالک خارجییه روسیهده اخراج اولنان امتعه ا کثریته خامدر یعنی ایشلمامشدر. روسیه دولتینگ اراده سی هر کویک بر مکتب ابتدائی و بعض کویلرده مکتب صنایعلر تأسیس ایدره رک هر کشی بی اوقومق، و یازمقن و صنعتلرننگ بعضلرنن حصه مند ایتمکدر.

روسیه دولتی آوروپا دولتلری میاننده برنجی دولتلردن اولوب (قوة بریه) اعتباریه نظیری یوقدر: هاربه زماننده دورت میلیونن زیاده پیاده و آتلی عسکر سوق اید بیلور. قوة بحریه خصوصنگ دردچی دولت اولوب صوغغی اون سنه طرفنده زیاده ترقی ایتمشدر. روسیه ننگ بحر بالطقده، بحر سیاهده قوة بحریه سی موجوددر.

۲) (اسوج ونوروج) = (شویتسیا ونورویگیا)

اسوج ونوروج اسقاندیناویا یارم اطهسنده بولندقلری ایچرن اسقاندیناویا حکومتلری نامیله دخی تسمیه اولنورلور. بو ایکی مملکتی اسقاندیناویا طاغلری تفریق ایتمشدر که شرق طرفی اسوج غرب طرفی نوروجدر.

حدود: - شمالی بحر منجمد شمالی، شرقی بورتنی کورفزینه جریان ایدن (طورنه آ) نهري بورتنی کورفزی و بحر بالطق، جنوبي بحر بالطقى بحر شمال ايله بولشديران (اسقاژ اراق) (قاتاغات) (صوند) بوغازلری غربی بحر محیط غربی ايله محاطدر.

احوال طبيعیه: - سواحل غایت کریشلی چیتشلی اولوب بک چوق کورفزلی حاصل اولمشدرکه بونلرنک انک مشهوری (خریستیانیا) کورفزیدر. برونلردن دوردی انک مشهور اولوب بر کوچک آطه ده واقع شمال برونيله نوردکین برونی منتهای شمالیده (لندسنس) برونی جنوب غربیده (فالستر) برونی دخی منتهای جنوبیده واقعدر. سواحل غربیه ده بک چوق آطه لر کورینورکه بونلرنک جمله سنه بردن (لوفودان) آطه لری تسمیه ایدرلر. بحر بالطقه دخی (اولاند) و (غوتلاند) ناميله ایکی بیوک آطه واردر. نهرلری غایت قیصه اولدیغندن اهمیتى بوقدر.

اسوج اراضیسی اکثریا مستوی اولدیغی حالده نوروجک هر طرفی طاغلقدر ممالک جنوبیه سی اولدیجه منبت ایسه ده شمال طرفلری بونک عکسیدر. بوقطعه ده (وه ترن)، (وه نرن)، (ملار) و (هیلمار) نام کوللر مشهوردر.

مشهور شهرلر: - مقر حکومت (استوقهولم) شهریدرکه (ملار) کولینک بحر بالطق ايله قاریشدیغی محله واقع اولوب تجارتی وقابریقه لریله مشهوردر (۲۵۰,۰۰۰ نفوس). خریستیانیا کورفزان واقع (خریستیانیا) شهری دخی تجارتیله مشهور اولوب نوروجک مقر حکومتیدر. (۱۵۰,۰۰۰) نفوس.

حکومت، مذهب: - اسوج نوروج حکومتلری اداره مشروطه در. چوکونگی کونده هر ایکیسینک حکمداری قانون و نظاملری باشقه در. اهالی اکثریت اوزره پروتستان در. نفوس عمومی یدی میلیون

اوله رق بش میلیون اسوجه وایکی میلیون نوروجه در . تحصیل ابتدائی اڭ زیاده ترقی ایدن مملکتلردن بریدر . فن ملاحیده مهارتلی زیاده در .

اسوج قومی نمسه لسانی ایله تکلم ایندیکی حالده نوروج اهالیسی (دانوا) لسانیه تکلم اینمکده درلر . اسوج ونوروج اهالیسی اورمانچیلیق ومعدنچیلیک ایله بیك زیاده شهرت بولمشلردر . زراعت آنچق جنوب طرفلرنده اجرا اولنوب شمال وغرب شمالی طرفلرنده بولنان اهالی بالق طوتمق ایله تعیش ایدرلر . بو دولتنگ قوه بیره وبحریه سی اینکچی درجه دولتله صره سنده صایيله بیلور .

(۳) آلمانیا = گیرمانیا

آلمانیا آوروپا قطعه سینک وسطنده واقع بیوک و کوچک بکره سی آلتی قدر حکومتلردن تشکل اینمشدرکه هر حکومتنگ آیروجه بر حکمدار ورئیس اولمغله برابر کافه سی پروسیا قرالنک تحت ادارهنک بولنمقده در . پروسیا قرالی آلمانیا حکومتلرنک ایمپراطوریدر .

حدود: - شمالا بحر بالطق دانیمارقه وبحر شمال شرقا روسیه جنوبا آؤستریا سویچره غربا فرانسه ، باچیقفا و فلنک مملکتلر ایله محدوددر .

احوال طبیعییه: - آلمانیا اراضیسی ایکی قسم اولوب برنچیسى قسم شمالیدرکه علی العموم دوز و آلچق و بطاقلقلری کثیردر . اینکچیسى جنوبی جهتیدرکه یوکسک لکلی وسطی اولان طاغ و یایلاقلره مملودر .

آلمانیا ایکی سطح مائله منقسم اولوب برنچیسى شمال ورسانیدرکه بحر بالطق وبحر شماله آقان ویستول (ویسلا) ، اودر ، البه ، وزر ، راین نهرلرینی شاملدر . راین نهرینک موزل ، ماین آیاقلری مشهوردر .

آلمانیا ده بر چوق کوللر وارسه ده ذکره شایان اولمیوب اڭ مشهور اولانی سویچره حدودنده کائن (قونستانس) نام کولدر .

آلمانیانک سواحلی اکثر آلچق و قیالغ اولوب بو سببدن

سفائنگ ینا شمسی مشکدر، بحر بالطقده کورفز اوله رق (دانزیغ) و (لوبک) کورفزلی مشاهده اولنور. بحر بالطقده (روغن) (فهمارن) (عاسن) اسمنده اوچ عدد مهم آطه لر واردر.

مشهور شهرلر: - آلمانیا دولتی تشکیل ایدن حکومتلرنک دردی قراللق آلتیسی بیوک دوقه لقی بدیسی پرنسلیک اوچی سربست شهر وبری فرانسه دن النان (الساس ولوون) اراضیسی اولوب قالانی کوچک دوقه لقلدر. آلمانیا اتحادینه داخل اولان قرالقلر شونلردر (۱) پروسیا قرالیتیدر که آلمانیا حکومتلرینک هپسندن بیوک ونفوس چوقدر پایتختی (برلین) شهریدر (۱,۶۰۰,۰۰۰) نفوس بو شهر پروسیا دولتیکنک مقر حکومتی وعموم آلمانیاکنک کرسی^۶ اداره سیدر. کیل، کونفسبرغ شهرلری بلاد مشهوره سنلندر. کیل شهرندن البه نهرینک منصبینه بر قنال یاپلمشدر که مر باو تجارتا بیوک اهمیتی هائزدر. قنال ایمپیراتور ویلهلم نامنده در (۲) باویرا قرالیتیدر که بیوک لکده پروسیان صوکره برنجی درجه ددر. پایتختی (مونخ) شهریدر (۳۵۰,۰۰۰ نفوس). (۳) ساقسونیا قرالیتیدر که مقر حکومتی (استوتغارد) بلده سیدر (۱۴۰,۰۰۰ نفوس). آلمانیا حکومتلری میاننده هامبورغ، برهمن، لوبک ناملرنده اوچ عدد جسیم و مشهور شهرلر واردر که هامبورغ البه نهری اوزرنده و برهمن نهری آغزنده کائندر.

حکومت و مذهب: - آلمانیا حکومتی حکومت مشروطه در. نفوسی تقریبی اوله رق ایلملی میلیون حساب اولمشدر. لسانلری نمسه لسانیدر. مذهب لری اکثریت اوزره پروتستان ایسه ده جنوب طرفلرنده قاتولیکلرده چوق بولنور. مع مافییه بومملکتک هر بر مذهب سربست در. آلمانیا ده انتشار معارف بک زیاده ترقی ایتمشدر مکتبلردار الفنونلر بی حسابدر. تحصیل ابتدائی مجبوری در. صنایع بو صوگ سنه لرده بک زیاده ترقی ایتمشدر. صوکنه، کتان، ایپک منسوجاتی دمیر و چیلک

ادوات آلتون و کموش معمولاتی بک زیاده حاصلات ویرمکنده در، تجارتده انکلتره و فرانسه دن صکره آلمانیا کلور. بودولت آوروپاده بولنان برنجی دولتلدن اولوب قوه بریه و بحریه سی زیاده سیله منتظمدر.

(۴) (آوستریا و مجارستان = ژینگوریا)

تماما آوروپانک و سطنده بولنان آوستریا و مجارستان مملکتی آوستریا و مجارستان ناملریله ایکی قسمدر. هرایکی قسمنک اداره سی آیری ایسهده حکمدارلری بردر، آوستریانک ایمپیراطوری مجارستانکده قرالیدر.

حدود: - شمالا پروسیه و روسیه شرقا روسیه جنوبا رومانیا و صربستان الکلری و ممالک عثمانیه دن (بو سنه) قطعہ سی و قرق طاع حکومتی و آدریاتیق دگری و ایتالیا غربا ایتالیا اسیویچره آلمانیا ایله محدوددر. احوال طبیعیه: - آوستریانک شمال و شرق و غرب جنوبی سمتلرنده مرتفع طاغلو و بالعکس و سطنده کنیش صحرا لر و بعض بطاقلر و چایر لر واردر. مذکور طاغلو آلب و قارپا ط طاغلو رینک قسملریدر. بو مملکت ایکی سطح مائله منقسم اولوب برنجیسی شمالده بحر بالطق و بحر شمال سطح مائلری دیگرى جنوبده بحر سیاه آدریاتیک دگری سطح مائلیدر. شمال دگزینه البه و راین نهرلری جریان ایدر. راین نهری قسما اسیویچره حدودینی تشکیل ایلر. بحر بالطقه اودرویسلا نهرلری منصب اولورلر. بحر سیاهه آوستریانک اک مهم نهری اولان طونه نهری آقار. طونه نهری آلمانیا دن نبعان ایتدیکی هالده صاغدن وصولدن برچوق آیاقلر اخذ ایدرک آوستریای بویندن بویه دخی صولار.

دنیلستر نهرینک منبعی دخی آوستریاده واقعدر. آدریاتیک دگزندن (فیومه) و (تریسته) کورفورلری حاصل اولمشدر که بوا یکسیپینک آراسنده (ایستریا) یارم آطه سی واقعدر. آدریاتیک دگزینله جوارى آوستریانک اک صیجاق مملری اوله رق درلو محصولات بینشدیرر.

بلاد مشهوره: - (ویانه) (۱,۴۰۰,۰۰۰ نفوس) طونه نهري اوزرنك واقع اولوب آۋستريانك مقرر حكومتيدر. بيوك بنالري وفابريقه لري ايله معروف اولان بيوك شهر لرك بريدر. (پراغا) (۱۹۰,۰۰۰ نفوس) آۋستريانك ايكنچي پايتختيدر. (لمبرغ) (۱۳۰,۰۰۰ نفوس). تجارنگاه بر بلده در. بوده پشته (۵۰۰,۰۰۰ نفوس) طونه نهري نك ايسكي ياقه سنده بنا اولنمش و مجارستانك مركزي اولان بر بلده در، بره سبورغ اركيدين مجارستانك مركزي ايدى. (تريسته) (۱۶۰,۰۰۰ نفوس) آۋستريا امتعه نك مخرجى اولان بر شهر اولوب صنايع و تجارتي غايتلر و اجليدر. اصول اداره، مذهب، سكنه، السنه: - آۋستريا مجارستان حكومتي اداره مشروطه در. حكمدار اولان ذات هم آۋستريا ايمپيراطورى وهم مجارستان قرالى عنوانلرينى حائزدر.

قاتوليك، اورتودوكس و پروتستان مذهب لري اربابي بو مملكتك سر بستيله اجراي آيين ايتمكده ايسه لرده قاتوليكلرا كثر يت اوزره درلر. بو مملكتك سكاني تقريبا قورق بيش ميليون قدر حساب اولنوب جنسجه بك مختلفدر. بو اقوام مابيننده كثر تله بولنانلري آلمان، اسلاو و مجار اقواميدر، لسان رسمي نمسه لساني ايسه ده هر قومك كندينه مخصوص لساني وادبياتي واردر.

آۋستريا و مجارستان دولتي هر نه قدر برنجي درجه دولتلردن صاييلور ايسه ده احوال داخله سي لايقيه منتظم دگلدر. مختلف الجنس اولان اقوام بيننده منازعه و مجادله لرا كسك اولميور. بو مملكت ده صنايع و معارف وفابريقه چيلك اولدقجه ترقى ايتمشدر.

(۵) دانيمارقه = دانيا

دانيمارقه حكومتي سمپريك يارم آطه سيله بحر بالطقده واقع، سيلاند، فيوني، لالاند، فالستر، بورنهولم و محيط آطلاسيد كاشن فروتته، و ايسلاند آطه لرندن عبارتدر.

حدود: - شمالی اسقاز اراق، قاتاغات، صوند، بلت صغیر بلت کپیر بوغازلری شرقی بحر بالطق جنوبی آلمانیا غربی بحر شمال ایله محاطدر بوملکنده ذکوره شایان طاغ ونهر یوقدر. هواسی علی العموم گوزل اوله رق اراضیسی دخی اولدقچه دوز ومنبتدر.

اداره، مذهب، السنه، سکنه: - دانیمارقه حکومتی اداره مشروطه در. اهالی اکثریت اوزره پروتستاندر. تحصیل ابتدائی مجبوریدر. اهالیسی (دانوا) اسمیله مسمی اولوب کندلرینه مخصوص لسانلری واردر. سکانینگ مقداری ایکی میلیون ایکی یوز بیکی قدردر. معیشتلری تجارت و حیوان بسلیمک ایله در. بو دولت آوروپا دولتلری ما بیننده ایکنچی درجه دولتلردن صاییده بیلور.

مشهور شهرلر: - سیلاند آطهسی غایت گوزل اولوب مقرر حکومت اولان (قوپنباغن) (۳۲۰.۰۰۰ نفوس) شهرینی حاویدر. ایسلاند آطهسی پک چوق یئار طاغلری حاوی اولوب ائک مشهوری (هفلا) یانار طاغیدر. ایسلانده نئک مقرر حکومتی (ریکاوق) شهریدرکه اوفاقج برکوبدن آرتیق یری یوقدر.

(۶) فلاننک = هولانده

حدود: - شمالا و غربا بحر شمال ایله و جنوبا باچینقا و شرقا آلمانیا (پروسیه) مملکتلریله محدوددر.

احوال طبیعییه: - بو مملکت راین، موز و اسقوت نهرلرینک آغزلرینی شامل اولوب دوز و آلچقدر، دگنر صولرینک بو مثللو آلچق یرلره هجومی طبیعی اولدیغندن سواحلی بر طاقم سدله تحکیم اولنمشدر. سواحل پک کوریشلی و چقیشلی اولوب ائک بیوک کورفز (زوبدرزه) کورفزیدر که مقدا بر کول ایدی بو کورفز لریک آغزنده بر چوق آطه لرواردر که ائک بیوگی (تکسل) آطه سیدر.

مشهور شهرلر: - مقرر حکومت اولان (آمستردام) شهری زوبدرزه

کورفزینی بحر شماله ربط ایدن قنالك اوزرنك مبنی اولوب تجارت فوق العاده سیله مشهوردر (۴۲۰,۰۰۰) نفوس. (لاهی=غاغ) هر نه قدر دوائر حکومت آهسترا دم شهرنده ایسه ده بوشهر قرالك اقامنگاهی اولسی حسبیله مزین سرایلری حاویدر (۱۶۰,۰۰۰) نفوس، (روتردام) راین نهرینك آغزنده کائن اولوب حکومتنك ایکنچی بلك سیدر (۲۱۰,۰۰۰) نفوس. اداره، مذهب، السنه، سکنه: - بومملکنك اداره سی مشروطه در. مذاهب سربستدر. فقط اهالینك اکثری پروتستاندر. اهالی (فلامان) جنسنه منسوب اولنوب کندیلرینه مخصوص لسانلری واردر. معارف اکثری زیاده ترقی ایدن ممالکدن بریده بومملکتدر. بومملکت رطوبتلی و چامورلی اولدیغی حالده اهالینك ثبات و غیرتی سایه سنده معمور و محصول واردر. بوقومنك منشأ اثر و تی بالق طومتق ایله تجارتدر. نفوس تقریباً بش میلیون قدردر. قوه بریه سنه نسبه قوه بحریه سی دهاز یاده اولوب آؤسترالیاده بک چوق بولره مالکدر. بودولت ایکنچی درجه دولتلردن معدوددر.

(۷) لوکسمبورغ بیوک دوقلغی

فرانسه باچیقاقا و پروسیه دولتلری آره سنك، نفوس ایکی یوز بیکندن عبارت اولان لوکسمبورغ بیوک دوقلغی واقعدر. مقر حکومتی (لوکسمبورغ) شهریدر. مذاهبلری قاتولیک و لسانلری فرانسزچه در.

(۸) باچیقاقا = بلسکیا

حدود: - شمالا فلنك غربا شمال دگری جنوبا فرانسه و شرقا لوکسمبورغ بیوک دوقلغی و آلمانیا ایله محدوددر.

احوال طبیعییه: - باچیقاقا مملکتی هر نه قدر دوز ایسه ده جنوب شرقی جهتی طاغلق اولوب معادن فی کثیردر. اسقوت و موز نهرلرینك وسطلری بومملکتی اروا واسقا ایدرلر. باچیقاقا سواحلی عمومیتله آچقددر.

مشهور شهرلر: - (بروکسل) مرکز حکومت اولوب صنایع و تجارت فوق العاده سیله کسب شهرت ایتمشدر. (آنورس)

اسقوت نهري اوزرنده كائن ليمان و تجارت عمليدر.
 اداره، مذهب، السنه، سکنه: - باچيقا حكومتي اداره مشروطه در.
 مذهبلى قاتولىكدر. سکنهسى آلتى ميليون قدر اولوب فلانمان
 جنسنه منسوبدر، شهرلرده فرانسز لسانى مستعمل ايسهده كويليلر فلانمان
 لسانيله قونوشمقادرلر. صنايع، و معارف بو مملكتده پك زياده ترقى
 ايتمشدر. فابريكه لرى پك چوقدر. قوه بجرههسى بوقدر، بودولتده
 ايكنچى درجه دولتلردن معدوددر.

(۹) اسويچره = شويسارى

حدود: - بو مملكت آوروپانك و سطنده اڭ يوكسك طاغلىر
 آره سنده واقع اولوب غربا فرانسه شمالا آلمانيا شرقا آؤستريا
 و جنوبا ايناليا الكالريله محدوددر.

منظره طبيعیه: - بو مملكتده آلب طاغلىرينك متعدد قوللىرى
 عدهش بر صورتك ياييله رق اوزلىرى دائما قار و بوزلىر ايله مستور پك
 چوق تپه لر تشكيل ايتمشلردر كه بونلرك مشهورى (سن غوتار) و (سن-
 برنار) تپه لريدر. اسويچره نك باشليچه نه لرى (راين) و (رون)
 نه لريدر. آوروپانك اڭ مشهور كوللىرى بو مملكتده در،

آنلر شونلردر: - (قونستانس) (زوريخ) (جنوه) ۰۰۰ الخ در.
 بلاد مشهوره: - (برن) حكومت جمهوريه نك مركزيدر. (زوريخ)
 اسمنه منسوب اولان كولك شمال ساحلنده مبنى اولوب قماش
 فابريقه لرى ايله مشهوردر.

اداره، مذهب، السنه، سکنه: - اسويچره نك ادارهسى جمهوريه در.
 مذهبلى پروتستان ايله قاتولىكدر. اوچ ميليون قدر اولان نفوسى
 ايتاليان جنسنه منسوبدر. رسمى لسانلىرى آلمانچه ايسهده بعض طرفلرنك
 فرانسزچه و ايتاليانچه دخى مستعملدر. بو مملكتده صنايع و معارف
 خيلى ايلرو كتمشدر. معيشتلىرى زراعت و تجارت ايله در.

(۱۰) فرانسه

حدود: - شمالا بحر شمال، (پادوقاله) بوغازی و مانش دگز یله
غربا بحر محیط آطلاسی و آندن حاصل اولا (غاسقونیا) کورفز یله جنوبا
اسپانیادن تفریق ایدن (پیره نه) طاغلی و بحر سفید ایله شرقا باچینقا
حکومتی، لوکسمبورغ بیوک دوقلغی، آلمانیا مملکتی، اسویچره
وایتالیادن تفریق ایدن پیره نه طاغلی یله محدوددر.

احوال طبیعی: - فرانسه قطعہ سینک شرق و جنوب غربی طرفلری
طاغلق اولوب باشقه طرفلری دوز و عارضه سوزدر. فرانسه سواحلنده بیوک
کرندیلمر و چقندیلمر اولمیوب آنچق بحر سفیددن (لیون) کورفزی
حاصل اولمشدر. مانش دگزنده دخی (بریتانیا) و (قوتانتن) یارم
آطه لریله آره لرنده (سن مالو) کورفزی حاصل اولمشدر. فرانسه
انهارندن (اسقوت) (موز) (راین) بحر شماله (سن) مانش دگزینه
(لوار) (غارون) بسقای دگزینه (رون) آق دگزه جریان ایدر لر. آق
دگزده کائن (قورسیقا) آطه سیله بحر محیط آطلاسیک سواحله یقین اولان
بعض آطه لرده فرانسه یه تابعدر.

مشهور شهرلر: - پارس فرانسه ننگ مقر حکومتی اولوب (سن)
نهرینک ایکی یاقه سینه مبنیدر. معموریت و مدنیتچه دنیانک الک برنجی
شهریدر. (۴۰۰,۰۰۰ نفوس) (مارسیلیا) بحر سفیدده لیون کورفزنده
مکمل لیمان و تجارت موقعیدر. (۳۸۰,۰۰۰ نفوس). (بور دو) شوابینک
نفاستیله مشهوردر (۴۰۰,۰۰۰ نفوس). (لیون) رون نهری اوزرنده
کائن اولوب فرانسه ده پارسدن صکوره برنجی شهردر صنایع و تجارتی فوق
العاده در (۴۰۰,۰۰۰ نفوس) (پادوقاله) شهری پادوقاله نام بوغازنک
کنارنددر. (هاور) آمریکا پوسته لرینک اسکله سیدر (۱۰۲,۰۰۰ نفوس).
(آباسیو) قورسیقانک مرکز حکومتیدر. مشهور ناپالیون شهر مزبورده
قولد ایتمشددر. (شربورغ) مانش دگزنده (بره ست) بحر محیط آطلاسیک

(طولون) بحر سفیده مستحکم حرب لیمانلریدر.
 اداره، مذهب، السنه، سکنه: - فرانسه‌نک اداره‌سی اداره
 جمهوریه‌در، کافه مذاهب سربست ایسه‌ده اهالی اکثریتله قاتولیکدر.
 لسان لسان عمومی اولان فرانسوزچه‌در. عموم فرانسه سکنه‌سی قرق
 میلیون قدر اولوب جنسلری فرانسوز جنسیدر. بو کونلرده معاملات
 دولیه‌ده فرانسوز لسانی استعمال اولنمقده‌در. بو کونگی کونلرده
 معارف خصوصنک فرانسه‌ده پک زیاده سعی اولنمقده‌در و ترقیات کوندن
 کونه کورنمکده‌در درجه ابتدائیه تحصیلنده فرانسه هنوز آلمایا
 و آمریقایه یتیشه مامشدر.

فرانسوزلر صنایع و تجارتی دخی ترقی ایتدیرمش بر قوم اولوب
 هر نه قدر صنایع نافعه‌ده انگلیزلره یتیشه مامشلرسه‌ده صنایع نفیسه‌ده
 آنلردن کیچمشلردر. فرانسه آوروپاده برنجی دولتله جمله‌سندن
 اولوب قوه بریه و بحریه‌سی برنده‌در،

(۱۱) آنگلیا = انگلتره

آوروپانک غرب شمالنده بر طاقم جزائر مجتمعه کورینورکه
 بونلره علی العموم بر یتانیا جزائر مجتمعه‌سی اطلاق اولنور و بو
 جزیره‌لرنک حاکمی انگلتره دولتیدر. انگلتره دولتی بیوک بریتانیا
 ایله ایولانده ناملریله ایکی بیوک جزیره و شتلاند، اورقادی، هبرید،
 جزائر مجتمعه‌لری و بحر سفیده واقع مالطه آطه‌لری و اسپانیا شبه
 جزیره‌سنک کائن (جبل الطارق) شهری ودها بعض اوفق تفک جزیره‌لردن
 عبارتدر. انگلتره مملکتی آوروپادن پادوقاله بوغازی و هر ایکی
 بیوک آطه یکدیگرنلن شمال و سن ژورژ بوغازلیله تفریق اولنمشلردر.
 احوال طبیعیه: - بریتانیای کبیر آطه‌سی نفس انگلتره، غال،
 اسقوجیا نام‌لریله اوچ قسمه منقسمدر. نفس انگلتره قسمی دوز ایسه‌ده
 اسقوجیا جهتی علی العموم طاغلق و کوللکدر. ایرلانده آطه‌سی دوز

اولوب و سطنه کائن اوه بطاقلق کوللوره مملودر. بریتانیانک الکهم صولری بحر شمال و بحر محیط آطلاس ایله ایرلانده دگزیننه دوکیلورلر. بناء علیه شمال دگزیننه دوکیلان (تایمس) نهری، (مرهه) کورفزیننه جاری اولان (نس) نهری. (قلید) کورفزیننه آقان (قلید) نهری. (بریستول) کورفزیننه آقان (غاون) نهری مشهوردرلر.

بلاد مشهوره: - (لوندره) تایمس نهری اوزرنده واقع اولوب انکلتره حکومتنک مرکزیدر. دنیاچه بولنان شهرلونک تجارت و جسامتجه برنجیسیدر (۵,۰۰۰,۰۰۰ نفوس). (لیورپول) انکلتره ننگ ایکنچی بلیکس اولوب بیوک تجارت مرکزیدر. (برمنگام) متعدد دیمور بوللر و قناللرک برلشدیکی محله بولندیغندن موقعا مهم و بخار ماکنه لری انشا آتیله کسب شهرت ایتمش بر شهردر (۳۰,۰۰۰ نفوس) (بریستول) بک ایسکی تجارتگاه بربلدهدر (۲۲۰,۰۰۰ نفوس). (غلاسگو) اسقوچیاچه کائن اولوب سفائن انشاسیله مشهوردر (۶۰۰,۰۰۰ نفوس) (ادینبورغ) اسقوچیانک مرکزیدر (۲۶,۰۰۰ نفوس). (دوبلن) ایرلانده آطه سینک مرکزیدر (۲۶۰,۰۰۰ نفوس).

اداره، مذهب، السنه، سکنه: - انکلتره اداره سی اداره مشروطه اولوب حکمدارلرینه بریتانیا و ایرلانده قرالی و هندستان ایمپراطوری عنوانی ویریلور. انکلتره ده مذهب رسمی پروتستان ایسه ده ایرلانده اهلایسی قاتولیکدر. لسانلری کندیلرینه مخصوص اولان انگلیزچه در. اهالی انگلو ساقسون قومنه منسوب اولوب قرق میلیون قدر حساب اولنیور. انکلتره، مستملکاتی الک زیاده بولنان دولتلردن اولوب عموما اوج یوز میلیون قدر نفوسه مالکدر. قوه بحریه سینک عالمک منلی یوقدر. سفائن و تجارتی ایله دنیایی طوتمشدر. بوقوم صنایع و تجارتک الک برنجی قوم اولدیغی کبی تأسیسات تجاریه و صناعیه وضعنه دخی جمله دن مقدم شروع ایدرک باشقه قوملره استاذ اولمشلردر. بو دولت

آوروپاده بولنان بیوک دولتلرک بری اولوب شمدی یه قدر عمومی مجلسلرده سوزی کچمش ایسهده بر ایکی سنه دنبرو آلمانیا آنلک یرینی طومه یه باشلادی.

(۱۲) ممالک عثمانیه = تورکیا

ممالک عثمانیه اوچ قطعده یعنی آوروپا آسیا و آفریقا قطعهلرند واقعدر. بز بوراده آنچف آوروپای عثمانیدن بحث ایدوب بشقه لرینی صره سی گلداکده سویلیه چکز. آوروپای عثمانی روم ایلی قطعه سیله بحر سفیده کاتن کرید جزیره سنی حاویدر.

حدود: - روم ایلی قطعه سی الیوم شرقا بحر سیاه، جنوبا قاره دگز بوغازی، مرمه دگز، چناق قلعه بوغازی، آطه لر دگز، یونان مملکتی ایله، غربا یونان و آدریا تیک دگز لری و قره طاغ مکتومی و آؤستریا ایله و شمالا دخی آؤستریا صربستان بلغارستان ایله محاطدر. احوال طبیعییه: - روم ایلی قطعه سی بالقان شبه جزیره سی نامیله موسوم بر بیوک شبه جزیره اولوب جنوبده (موره) و (خالکیدیکیا) و (کلیبولی) شبه جزیره لر یله (اینوز)، (اورفانو)، (سلانیک) کورفلرینی حاویدر. بحر سیاهده واقع (بورغاز) کورفلره یونان دگزنده واقع (پرروزه) کورفلری اولدنجه مشهوردر.

روم ایلی قطعه سنلک طاغ لری باشلوچه ایکی سلسله دن حاصل اولمشدر. برنچیسى ایتالیانلک حدود شمالیسنی تشکیل ایدن (آلی) طاغ لرندن آیریلوب شمالدن جنوبه طوغری ساحل غربی بی تعقیبا امتداد ایدرک (ماتابان) بروننده نهایت اولور. ایکنچیسى دخی برنچی سلسله نلک وسطندن واقع (چار) طاغ لردن آیریلهرق (بالقان نامیله غربدن شرقه ممتد اولاندرکه اوشبو سلسله (امینه) برونندک نهایت بولور. آوروپای عثمانیله بولنای مشهور نهر لر آطه لر دگز یله یونان و ادریا تینک دگزینه منصب اولور لر.

مشهور شهرلر: - استانبول شهری دولت عثمانیه ننگ پای تختی اولوب عظیم و تجارتگاه بربله در. نفوس تقریبا هر میلیون ۱,۰۰۰,۰۰۰ راده سنه در. (سیلانیک) سیلانیک کورفزنه واقع مهم و تجارتگاه بر اسکله در (۱۴۰,۰۰۰) نفوس. (ادرنه) مریخ نهری اوزرنه کائن بر شهر اولوب تجارتی اولدقچه یولنده در (۷۵,۰۰۰) نفوس. (یانیه) شهری یانیه کولی سواحلنه کائن بر شهر اولوب جنوب غربیسنه (پروژه) کورفی واقع در. (اشقودره) شهری اشقودره کولنگ کنارنه واقع در. مناستر، قوصوه شهرلری اولدقچه مشهوردرلر. (حانیه) شهری کرید آطه سیننگ مقریدر. (بوسنه) شهری بوسنه وهرسک ولایتنگ مقریدر. لکن بو ولایت موقعا آوستریا اداره سنه تسلیم اولنمشدر.

اداره. مذهب، السنه، سکنه: - بو مملکتنگ اداره سی اداره مستقله در. مذهب رسمی اسلام ا یسه ده هر بر مذهب صاحبی کمال سربستیت ایله اجرای آیین ایتمکدر لسان رسمی ترکچه اولدیغی حاله هر قومنگ کندینه مخصوص لسانی و ادبیاتی واردر. روم ایلی سکز میلیون قدر نفوسی شامل اولوب جنسا بک زیاده قاریشقدر. بونلر بیننده ذکره شایان اولنلری، ارنبود، ترک، بلغار، روم و سائر در. دولت عثمانیه ننگ عموم نفوسی اوتزبش میلیون قدر حساب اولنیور. بو مملکت معارف و صنایع هنوز لایقيله ترقی ایله مامشدر. معیشت لری زراعت و حیوانات بسلامک ایله در،

(۱۳) بلغارستان = بلغاریا

بلغارستان طونه نهریله بالقان سلسله سی آراسنده و غایت منبت براره اوزرنده واقع در.

حدود: - شمالا رومانیا مملکتی غربا صربستان جنوبا روم ایلی شرقی ولایتی شرقا بحر سیاه ایله محاطدر.

اهوال طبیعییه: - بو مملکتی طونه نهریله آیاقلری ارواواسقا

ایتمکله در. بلغارستانک جنوب طرفلری طاغلی اولدیغی حالده شمال طرفی دوزواوه لقدر.

مقر حکومتی (صوفیه) شهریدر. طونه نههری کنارنه کائن (روسچق) بلده سیله قاره دکن ساحلنده کائن مکمل لیمانی حاوی اولان (وارنه) شهری دخی مشهوردر.

اداره، مذهب، السنه: - اداره سی اداره مشروطه در. مذهب اورتودوکس مذهبیدر. لسان اصلاو لسانینک بر شعبه سی اولان بلغار لسانیدر. اهالیسی ایکی میلیون قدر تخمین اولنیور. جنسلیری اصلاو در. بو مملکت اهالیسی اولدقچه غیور وچالشقاندیر. معارف و صنایعه از زمانه ترقی ایتمش بر قومدر. شرقی روم ایلی ولایتی سنوی مقطوع ویرگی ویرمک اوزره بلغارستان حکومتنه ترک اولنمشدر. بو ولایتنک مرکزی (فلبه) شریدر.

(۱۴) رومانیا = رومین

طونه نههری ایله قار پاپ طاغلی آراسنده صیقشمش اولان اراضی رومانیا مملکتیدر.

حدود: - شمالا و غربا مجارستان قطعسه شرقا روسیه جنوبسا بلغاریا و صربستان ایله محدود اولوب روسیه حدودینی (پروت) نههری بلغاریا حدودینی قسما طونه نههری مجارستان حدودینی قار پاپ طاغلی تشکیل ایتمشدر. بو قطعهنک اورمانلری چوق اولوب صولری طونه نههرینک آیاقلری اولان (پروت) (سرت) کبی چایلدر.

مشهور شهرلری: - (بکرش) رومانیانک پای تختی اولوب طونه نههرینک بر آياغی اوزرنده مستحکم بر شهردر (۲۲۰,۰۰۰ نفوس). (یرکوی) طونه نههری اوزرنده واقع بکرش شهرینک اسکله سیدر. (باش) پروت قرینده کائن اولوب روسیه ایله کلی تجارت ایدر. (قلاص) (ابرائیل) شهرلری طونه اوزرنده کائن مهم لیمان موقعلریدر.

اداره، مذهب، السنه، سکنه: - بوملکتنگ اداره سی مشروطه اولوب مذهب لر اورتودوقسدر. سکنه سی بش میلیون قدر اولوب (رومان) جنسینه منسوبلدر. وکندیله رینه مخصوص لسانلر یله تکلم ایدرلر معیشتلری زراعت و تجارت ایله اولوب ایکنچی درجه دولتلردن معدوددر.

(۱۵) صربستان = صربیا

حدود: - شمالا مجارستان دن تفریق ایدن (طونه) و (صاوا) صولری و شرقا بلغارستان جنوبا و غربا دخی آوروپای عثمانی ایله محدودر. احوال طبیعییه: صربستاننگ اکثر محللری دوز اولوب آنجق ایکی تیمور قپو کچیدلر نی حصول کتورهن جنوب و شرق جهتلری طاغلقدر. مشهور شهرلر: - (بلغاراد) صربستاننگ مقرر حکومتی اولوب طونه و (صاوا) صولرینگ برلشدیکی مملکه در. (سمندره) موروا و نهرینگ طونه نهرینه قاریشدیغی یرده در.

صربستان حکومتی حکومت مشروطه اولوب مذهبلری اورتودوقسدر. مقدار نفوسی ایکی میلیوندن زیاده در. اهلا (اصلو) جنسینه منسوب اولوب (اصلو) لسانیه تکلم ایتمکه درلر.

(۱۶) قاره طاغ = چور ناغوریا

قره طاغ غایت طاغلق بر اوفق مملکت اولوب آنجق ایکی یوز بیگ قدر نفوسه مالکدر. بو قطعه شمالا آوستریا شرقا غربا و جنوبا دولت عثمانیه ایله محاطدر. مقرر حکومتی (چیینه) قصبه سیدر. اهالی (اصلو) جنسندن اولوب اورتودوقس مذهبنده درلر. اداره سی مشروطه معیشتلری طاشچیلق و بوکا مائل آغر ایشلر ایله در.

(۱۷) یونان = غریتسیا

یونان مملکتی بالقان شبه جزیره سینگ جنوبنده واقع

اولان اراضیلہ (قورفو) (آغریبوز) آطہ لری (و سیقلاذ) جزائر
مجموعہ سیلہ دیگر بر چوق اوق آطہ لردن تشکل ایتمشدر.

منظره طبیعیہ: - یونانستان ساحل لری زیادہ کریشلی و چیشلی
اولوب بر خیلی شبہ جزیرہ و کورفولر حاصل اولمشدر. جنوب طرفندہ
(ماتابان) برونیلہ منتهی اولان (مورہ) آطہ سی واقعدر کہ نفسی
یونانستان دن (قورنت) قنالیلہ تفریق اولمشدر. بومملکت
غایت طاغلق اولوب (الینوس) طاغلری بومملکتی بسویدن
بویہ قطع ایتمشدر.

مشهور شهرلر: - (آتنہ) الیوم یونان دولتینک پای تختی اولان
بر شہردر. بوشہر قدیمایک معمور ایدی و چوق زمانلر مرکز علوم
وفنون اولمشدر نفوس (۱۴۰،۰۰۰) (پیرہ) آتنہ شہرینک اسکله سیدر.
(لپانت) لپانت کورفزی اوزرنده مشہور بر شہردر. (قورنت)
قورنت قنالنک اوزرنده بولغان بر شہردر.

ادارہ، مذہب، السنہ، سکنہ: - بو حکومتنک ادارہ سی مشروطہ در
مذہبلری اورتودوقس مذہبیدر. اہالی ایکی میلیوندن زیادہ
اولوب (ہلن) جنسنہ منسوبدر. لسانلری (روچہ) در یعنی (یوناچہ
بو دولتنک قوہ مالیہ سی بک فنا اولدیغندن ضعیفدر. یونانستان
آطہ لردن کلینلی شراب وزیتون یاغی حاصل اولور.

(۱۸) ایتالیا

ایتالیا بر بیوک یارم آطہ ایلہ بر طاقم جزائر دن مرکبدر کہ اٹ
بیوکلری (سچیلیا) و (ساردینیا) آطہ لریلہ (لیباری) جزائر مجموعہ سیدر.
حدود: - شرقا آدریا تیک دگری غربا (ترہنین) دگری و بحر
سفید جنوبا یونان دگری و شمالا فرانسه اسویچرہ و آفستریا مملکتلریلہ
محاط اولوب فرانسه اسویچرہ و آفستریا دن (آلپا) طاغریلہ تفریق
اولمشدر.

منظره طبیعیّه: - ایتالیا طبعاً یکی قسم اولوب بری نفس شبه جزیره و دیگری جزیره لردر. اصل شبه جزیره ننگ شمال طرفی آلپا طاغلیله چورلمشدرکه بو طاغلرک جنوب طرفنده کائن (پو) وادیسی غایت منبت و محصولدار اولوب آوروپانک اڤ زسکین مملارندن بریدر. شبه جزیره یی بویندن بویه قطع ایتمش اولان (آپه نین) طاغلی غایت مهم کچیدلری و درین بوغازلری حاویدر. (وزو) وؤلغانی بو سلسله اوزرنه در. سچیلیا غایت طاغلق پر آطه در. ساردینا آطه سی هر نه قدر طاغلق ایسه ده سچیلیاده اولدیغی کبی پک یوکسک دگلدر.

ایتالیانک مشهور صولری، اصل شبهه جزیره قسمند اولوب، ادریا تیک دگزینه دوگیلان (پو) وتیره نین دگزینه دوگیلان (تیبیر) نهرلریدر. ایتالیا شبه جزیره سیله سچیلیا بیننده (میسینا) بوغازی واقعدر. ایتالیا شبهه جزیره سی (اوترانته) و (فالابره) نام شبهه جزیره لرله نهایت اولورکه اولکسی (لوقا) وایکنچیسسی (اسپارتیاننو) برونلرینی حاویدر. مشهور شهرلر: - (روما) (۳۰,۰۰۰) نفوس تیبیر نهری اوزرنه اولوب الیوم ایتالیانک پای تحنیدر. (تورینو) (۲۲۰,۰۰۰) نفوس قدیم ایتالیا قرالنک اقامتگاهی ایدی. (فلورانس) (۲۰۰,۰۰۰) نفوس موزه سیله مشهوردر. (وندیک) (۱۶۰,۰۰۰) نفوس) اوچ یوز قدر کوپری ایله بر برینه متصل سکسان قدر آطه اوزرینه بنا اولنمش بر شهردر. (ناپولی) (۵۳۰,۰۰۰) نفوس) وزو وؤلغانی قوربنده اولوب هواسنک لطافتیله مشهوردر. (جنوین) (۲۰۰,۰۰۰) نفوس) تجارتگاه بر بلده اولوب جسیم بر لیمانی حاوی و غایت مستحکمدر. (پالرمو) سچیلیانک و (قالیقاری) ساردینیانک مرکزیدر.

اداره، مذهب، السنه، جنس: - بودولتنک اداره سی مشروطه در. مذهبلی قاتولیکدر. اهالی اوتوز میلیون قدر اولوب جنسلری ایتالیان اولدیغی کبی لسانلریده ایتالیانچه در. بو مملکت هر نه

قدر مثبت و محصولاتار ایسه ده هنوز لایقیله استفاده ایده مامشدر دره بو مملکتک هر نوع میوه و حبوبات یتشمکک دره بو مملکت آور و پادول معظمه سندن معدود اولوب قوتلی دوننمایه مالکدر.

اسپانیا (۱۹)

آوروپانک غرب جنوبی اوجی اولان اسپانیا یارم آطه سینک آلتیده بشی ایله بحر محیط غربی کائن (قناریه) و بحر سفیده کائن (باله) آطه لری اسپانیا اداره سنکدر بو یارم آطه اوزرنک عربلر پک چوق زمانلر حکومت سور مشلر و علوم و فنونی آوروپالیلره اوگره تمشدر. حدود: - شمالا فرانسه مملکتی و غاسقونیا کور فزی غربا بحر محیط اطلسی شرقا و جنوبا بحر سفید ایله محدوددر.

اهوال طبیعییه: - اسپانیا قطعہ سی غایت طاغلق بر قطعہ اولوب سواحلی دوز اولدیغندن کور فز لره مالک دگلدر. غرب شمالیه (فتیستر) برونی و غرب جنوبیه (سن و نسان) برونی و جنوبیه (طریقا) برونی موجوددر. اسپانیا طاغلی شبه جزیره یی شرقی و غربی ایکی و رسانه آیرمشدر. شرق و رساننک (ابرو) نهری و غرب و رساننک (منهو) (دورو) (تاژ) (وادی العنه) (وادی الکبیر) نه لری مشهوردر.

بلاد مشهوره: - (مادرید) (۵۰۰,۰۰۰ نفوس) دگز سطحندن (۱۰۰۰) متره قدر یوکسک بر موقعه بولنوب تاژ نه رینک بر آیاغی اوزرنده مبنیدر. بو شهر الیوم اسپانیا دولتنگ پای تحتی اوله رق بک گوزل ابنیه لری شاملدر. (بارسلون) (۲۸۰,۰۰۰ نفوس) آق دگز کنارنده واقع اولوب صنایع و تجارت جهتیله اسپانیا شهر لری ننگ برنجیسیدر. (ساراغوس) ابرو نهری اوزرنده کائن تجار نگاه بر شهردر. (سویل) (۱۴۰,۰۰۰ نفوس) اسکی عرب پادشاهلری ننگ مرکزیدر. (غرناطه) لطافت و نظارت جهتیله نظیر سز بر شهر اولوب وادی الکبیر ننگ بر آیاغی اوزرنده مبنیدر. (پالما) شهری باله آطه لری ننگ مرکزیدر.

حکومت، مذهب، جنس، لسان: - حکومت مشروطه اولوب مذهب لری قاتولیکدر. اون سکز میلیوندن زیاده اولان اهالی اسپانیول جنسی اولوب کندولرینه مخصوص اولان لسان ایله تکلم ایتمکده در. اسپانیارا ضیسی بک منبت اولدیغی حاله آوروپانک اگ فقیر بلادندن صاییلور زیرا علوم و معارف بک کیر و قالمش بر قوم در. بودولت ایکنچی درجه دولت لردن معدود اولوب کوندن کون نفوذینی غائب ایتمکده در.

(۲۰) پورتکیز = پورتوغالیا

پورتکیز مملکتی اسپانیا شبه جزیره سنک غرب طرفنه (منهو) (وادى العنه) نهرلرینک آغزلری میاننده کوچک فقط مشهور بر مملکتدر. حدود: - پورتکیز مملکتنک شمال و شرق طرفلری اسپانیا قطع سیله محدود اولورق غرب و جنوب طرفلری دخی بحر محیط ساحلیدر. بو مملکت اسپانیا کبی طاغلقدر هواسی ساحلده حار ایسه ده مواقع سائره سی معتدلدر. بوراده هر درلو نباتات نشو و نما بولور. منهو، دورو، تاز، وادی العنه نهرلرینک منبعی اسپانیا ده ایسه ده آغزلری و منصب لری پورتکیزده در.

مشهور شهرلر: - (لیزبون) (۲۵۰,۰۰۰ نفوس) تاز نهرلرینک منصبنه واقع تجار تگاه بر بلک اولوب پورتکیز حکومتنک پای تحتیدر. (پورتو) (۱۱۰,۰۰۰ نفوس) پورتکیز حکومتنک لیزبوندن صگره ایکنچی بلکسی اولوب بتون مملکتنک پورتو قال و پورتکیز تسمیه اولنمسنه سبب اولمشدر. حکومت، مذهب، جنس، لسان: پورتکیز حکومتی حکومت مشروطه در. مذهب لری قاتولیکدر. اهالی درت بچق میلیوندن زیاده اولورق پورتکیز جنسنه منسوبدر، لسانلری کندیلرینه مخصوص اولان پورتکیز لسانیدر. بحر محیطده کائن (آصور) و (مادرا) آطه لری بودولتنک ملکیدر. بودولت اسکیدن بک قوتلی ایسه ده شمیدیکی زمانده اسکی قدرتنی غائب ایتمشدر بودولت ایکنچی درجه دولتلردن صاییلور.

(۲۱) لیختانشتاین پرنسلکی

لیختانشتاین پرنسلکی آؤستریا ایله سویچره آراسنده واقع اولوب قونستانس کولنک بر آز جنوبنده کاٹندر مقدار نفوسی طغوز بیگ قدر اولوب مقر حکومتی (وادوچ) نام قصبه در.

(۲۲) مونا قوپرنسلکی

مونا قوپرنسلکی بحر سفید ساحلنده فرانسه ننگ ایتالیا حدودینه یقین بر مملنده کاٹن در. اون اوچ بیگ نفوسی حاوی بر حکومت اولوب مقری (موناکو) شهر یدر. شهر مذکور لطافت هواسی حسبیه آوروپا زنکینلرینک قشلاغیدر.

(۲۳) غاندور جمهوریتی

غاندور جمهوریتی بیرنه طاغلی آراسنه صیقشمش بر حکومت جمهوریه اولوب نفوسی اون بیگ قدر در. مقری (غاندور) اسمند برقریه در.

(۲۴) سن مارینو جمهوریتی

سن مارینو جمهوریتی ایتالیا ننگ وسطنده سکز بیگ نفوسی حاوی جمهوریتدر.

حاصلات

معادن: - آوروپا قطعهننگ طوپراغی قیمتلی معادن خصوصنده زنکین دکلسهده صنایع و تجارتده استعمالی چوق اولان معدن کموری = یر کموری. تیمور، فلای قورشون، جیوه = تری کموش، توتیا معدنلری کلیملی اوله رق بولنمقده در.

صنایعده شدت لزومی اولان تیمور ایله کمور معدنلری انکتره آلمانیا، باچیکا و فرانسهده بیگ کثرتلیدر. قورشون و فلای انکتره روسیهده توتیا پر و سیا و باچیکا ده جیوه اسپانیاده و اطعمهده استعمالی طبیعی اولان طوزهر مملکتده بک چوق اخراج اولنوب قطعات سائرهده دفی نقل اولنور

حبوبات: - همان قطعه‌نگ هر جهننده زرع و اخراج اولنورسده
اڭ زیاده حبوبات اخراج اولنان ممالک فرانسه ایله روسیه اراضیسی در.
شمالی آوروپاده پانچمار = چوگوندر، پاتانس، = برانگی، کتان،
کنویر = جیتن کثرتله زرع اولنمقده در.

اورمانلر: - آوروپا قطعه‌سنگ اڭ جسیم اوزمانلری روسیه
مملکتنگ شمال شرقیسیله اسقاندیناویامملکتنده در. مع مافیه آؤستریا
مجارستان ایله آوروپای عثمانیده دخی بک واسع اورمانلر واردر.
بو اورمانلردهغی آغاچلرنک باشلچجه جنسلری چام = ناراط، قاین،
شمالده میشه = ایمن، جویر = استرخان چیلوگی کستانه وسطده
آصمه = اوزوم آغاچی، لیمون، پورتقال، جنوب ده یتیشورلر.
آصمه آغاچلر ۹؛ درجه عرض شمالی یه قدر نشوونما بولور.

فرانسه، آوستریا، ایتالیا، اسپانیا و آروپای عثمانیده یتیشان
آصمه لر سایه‌سنده چوق و فوق العاده گوزل شراب استحصال اولنور.
حیوانات: - حیوانات وحشیه‌نگ آوروپا قطعه‌سنده آره صره
اهلاکی خصوصنده کوستریلان اقدامات سایه‌سنده بو کونگی کونده
مقدارلری آزالمشدر. مع مافیه بیاض آیوشمالده قزل آیو طاغلق
ممالکده قورد = بوری روسیه‌ده کثرتله بولنمقده در. یرتقیچی قوشلرله
یپانی طوموز و دلکو جنسلری اورمانلرده اکسک دگلدر.

آوروپانک حیوانات اهلیه‌سی کورک جنس و کورک مکملیت جهنیه
بک مشهوردر. فرانسه وانکلتیره‌نگ اوکزلری اینکلری انکلتیره و فرانسه
وروم ایلی‌نگ قیونی غایتله مشهوردر. اسپانیانک (مرینوس) دینلان
بر نوع قیونی دخی هر یرده معتبردر.

آسیا قطعه‌سی

حدود: - آسیانک سمت شمالیسی کاملاً بحر منجمد شمالیدر. سمت
شرقیسی (بهرک) بوغازندن (مالاقا) بوغازینه قدر بحر محیط کبیر ایله

محاطدر سمت جنوبیسی (مالاقا) بوغازندن (باب المندب) بوغازینه قدر بحر محیطهندی ایله احاطه اولنمشدر. طرف غربیسی ایسه (بحر احمر)، آق دکن، مرمه دکنی، قره دکن، قافقاس طاغلیری، بحر حزر، اورال نهری واورال طاغلیریله محدوددر. آسیا قطعہسی آوروپانک شرقند واقع اولوب آفریقا آسیا ایله آراسنک (سویس) قنالی و باب المندب بوغازی واقعدر. آسیانک جسامتی: - بش قطعہ ایچنک آسیا قدر بیوکی یوقدر، آوروپانک درت و آفریقانک بر بچق مثلندن آز کوچکدر.

مشهور دکنلری: - بحر محیط کبیر، قطعہنک شرق ساحلندک واقع اولوب بهرک، اوخوتسک، ژاپون، اصفر، چین دکنلرینی، بحر محیط هندی قطعہنک جنوبنک بولنوب عمان وشاب دکنلرینی حصوله کتورمشدر.

مشهور کورفلر: - شمالک (اوبی کورفزی بحر منجمد شمالیندن حاصل اولمشدر. شرقده (کامچاتکه) کورفزی بهرک دکنندن، (پچیلی) کورفزی بحر اصفردن (تونسکین) و (سیام) کورفلری چین دکنندن پیدا اولمشلدر. جهت جنوبیک کائن (بنغاله)، عمان، (بصره) و (علن) کورفلری بحر محیط هندین غربیک کائن (اسکندرون) کورفزی آق دکندن حصوله کلمشدر.

مشهور بوغازلر: - بهرک بوغازی آمریکا و آسیا آراسنک و بهرک دکنیله بحر منجمد شمالی میانندکدر. (تارتاری) بوغازی سبیریا قطعہسیله ساخالین آطهسی ما بینندکدر. (قوره) بوغازی قوره قطعہسیله ژاپونیا ما بینندکدر. جنوبده (مالاقا) بوغازی مالاقه شبه جزیرهسیله (صوماتره) آطهسی بینندکدر. (هرمز) بوغازی بصره کورفلریله بحر محیط هندی ما بینندکدر. غربیک (باب المندب) ایله سویس قنالی واقع اوله رق برنجیسی بحر محیط ایله بحر احمری ایکنچیسى بحر احمر ایله بحر سفیدی برلشدیرر. مشهور نهرلر: - شمالک، اوبی، ینسای، لنا نهرلری بحر منجمد شمالی یه دوکیلورلر. آمور، هوانغهو، کیانغ، مهقونغ، منام نهرلری بحر

محیط کبیره جاریدر لر. جنوبک براهما پوطرا، غانج، سند، نهر لر یله (دجله) و (فرات) نهر لر ینک برلشمه سندن حاصل اولان (شط العرب) نهری مشهور در. آسیاده دها بر طاقم صولر واردر که دگزه دو کلمیوب قطعنهنگ ایچروسنهگی کوللره آقارلو (جیحون = آمودریا) (سیحون = سردریا) صولری کبی که بونلر (آرال) کولنه جریان ایدر لر.

مشهور کوللر: - آرال، بایقال، لوپنور، هامون، رومیه، بحر لوط، وان کوللری مشهور کوللردن صاییلور.

آطه و طاقم آطه لر: - بحر محیط شمالیده (لیاخوق) آطه لری واقعدر. بو آطه لر غایت صغوق و غیر مسکوندر محیط کبیرده (فوریل) آطه لر یله (ساخالین) آطه سی و ژاپونیایی تشکیل ایلدن (یزو) (نیفون) (کیوسیو) (سیقوق) آطه لری (فورموز) و (هانیان) جزیره لری بولنور بحر محیط هندیده (آندامان) (نیقوبار) (لاقدیو) و (مالدیو) جزائر مجتمع سیله (سیلان) جزیره سی واردر. (قبریس) (ره دوس) (ساقز) آق دگزننگ اڭ مشهور جزیره لریدر.

یارم آطه لر: - آسیا قطعنهنگ جنوبنده (جزیره العرب) (هندستان) (هندچینی) ناهلریله اوچ بیوک یارم آطه حصوله کلمشدر که صکره گیلره (کجرات) و (مالاقه) نامنده ایکی عدد کوچک شبهه جزیره متصلدر. آسیاننگ غربنده آناتولی شبهه جزیره سی واقعدر.

برونلر: - شمالده (چلیوسکین) برونی آسیاننگ اڭ شمال نقطه سنی مالاقه شبهه جزیره سنه کائن (رومانیا) اڭ جنوبی نقطه سنی تشکیل اینمشدر. جبال، یایلا: - آسیا قطعنهنگه بیوک بر تحول و مناسبته سزلک کورینیور. شمال جهتی دوز و جسم غیر مسکون بر اووه، وسط طرفلری دنیاننگ اڭ بوکسک طاغلریله احاطه اولنمش غایت مرتفع بر یایلاو غربه طوغری متعدد اووه لر و بوکسک یایلاو و صیجاق قومی جوللر موجوددر. بیوک یایلایه مرکز یایلاسی دینورگه یارم

آروپا قدر بیوکدر. قطعەنك اڭ مشهور سلسله جبالى بویایلابى احاطه ایتمشلردر. (تیان شان) (آلتای) اسناناواى سلسله لرى جهت شمالیه سنى (هیمالایا) طاغلىرى جهت جنوبیه سنى (چین) طاغلىرى جهت شرقیه سنى (پامیر) طاغلىرى جهت غربیه سنى حاصل ایتمشلردر. بونلر دنماعدا غربیه طوغرى (هندوکش)، (البرز)، (آلون)، (طوروس)، (لیبان العارض) سلسله لرى واردر. آسیانك اڭ مهم ینارطاغلىرى قاجاتقه شبه جزیره سیله ژاپونیا آطلرنده واقعدر.

روسیه مهالکى

روسیه دولتنك آسیا قطعە سنده اولان مهالکى (سبیریا) آسیای وسطى) (ماوراء بحر خزر) و (قافقاسیه) اسملرى ایله دورده منقسمدر. بتون آسیای روسیه بو کونگی کونده تخمینا یکرمى بش میلیون قدر نفوس موجوددر.

سبیریا قطعەسى

حدود: شمالا بحر منجمد شمالی، جنوبا مهالک چین و ترکستان غربا دخی آروپای روسی بی آسیای روسیدن تفریق ایسن اورال طاغلىرى و اورال نهرى و بحر خزر شرقا بهرنك بوغازى و بحر محیط کبیر ایله محدوددر.

احوال طبیعیه: - سبیریا آسیانك قسم شمالیسنی كاملا احاطه ایتمش اولوب بتون آرپادن دها بیوک اولدیغى حالده آنچق سکر طقوز میلیون نفوسى حاویدر.

قطعە مز بوره نك شمال دگزی سواحلى غیر منتظم اولوب آسیانك اڭ شمالی موقعى اولان (چیلوسکین) برونى کبی چیقیندیلر (اوبی) و (ینیسی) کورفلرى کبی کورنیلر چوقدر. بحر محیط کبیر ایچنك سبیریا دن (لسوباتقا) برونیله نهایتلنمش (قاجاتقا)

اسمنده بر شبه جزیره اوزار. (ساخالین) آطه سیله (قوریل) جزائر
 جمعه سنن بعضوری سیبیریایه تابعدر. سیبیریانک طاغری
 اڭ زیاده حدود لرده در. غربده (اورال) طاغری جنوبده (آلتای)
 (آلاتو) (طانقنو) و (کنتی) طاغری بهرک بوغازینه طوغری
 مند اولور. قاقچاتقه شبه جزیره سنده بش بیگ متروار تفاعنده
 (قلیوچووسکی) اسمنده بروولقان موجوددر.

جبالک وضع طبیعی سنن ناشی (اورال) و (آمور) نهرلرندن
 ماعد ابولنان صولور کافه سی بحر منجمد شمالی یه آقارلر. مثلا (اوبی) (ینیسی)
 (لنا) نهرلری کبی. (اوبی) نهرینه (ایشیم) و (طوبول) آباقلرندن حاصل
 اولان (ایرتیش) نهری منظم اولور. (ینیسی) نهرینک (طونغوز)
 اسمنده بولنان توابعندن یرینک (غانغارا) نام آباغی بايقال کولندن
 ظهور ایدر. جنوبنده کائن (بلقاش) و (بايقال) و (ایسیقول) کولمیرینه
 دخی بر طاقم نهرلر آقمقده در.

سیبیریا دنیانک اڭ صغوق قطعہ سیدر. موسم شتا طغوز اون
 آی امتداد ایدر مع مافیه مواقع جنوبیه ده و سواحلده هوا اولدقچه
 معتدل و اراضی منبت و محصولداردر. روسیه ایچون سیبیریانک فائده سی
 معادن ایله پوستی = دریمی قیمتلی حیواناتدر، آلتون، کوش، تیمور،
 باقر و کومور معدنلر یله بعض ذیقیمت احجار دخی بولنور. سمور = (صوصار)،
 قوندز، تولسکی، قاقچات و بونلره مماثل حیوان لر چوق اولدیغی کبی بیان
 صغرلری و شمالده بیاض آبیملر دخی چوقدر. کلب ایله (رن) تسمیه
 اولنان بر نوع حیوان (چانا = قزاق) چکمک ایچون قوللانیلور.

مشهور شهرلر: - طوبول و لایتینک مرکزی اولان (طوبولسکی)
 شهری (۲۵,۰۰۰ نفوس) ایرتش و طوبول نهرلرینک بولشدیکی یرده
 کائندر. جنوبده (اومسک) شهری دخی مشهوردر. طومسکی و لایتینک
 مرکزی اولان (طومسکی) شهری سیبیریانک اڭ تجارتگاه بلده لرندن بریدر.

(۰,۰۰۰ نفوس) سیمپپولا تینسکی ولایتنگ مقری سیمپپولا تینسکی شهر یدر. ینیسه یسکی ولایتنگ مقری فراسنویارسکی شهر یدر (ایرکوتسکی ولایتنگ) مرکزی اولان (ایرکوتسکی) شهری بايقال ساھلنہ قریب بر محلہ اولوب چین=قطای ایله کلینلی تجارت ایدر. زابایقالسکی ولایتنگ مقری (چیتنا) شهری اولوب (نرچینسکی) شهری دخی مشهوردر. (کاختا) شهری چین ایله خیلی تجارت ایدر. یا کوتسکی ولایتنگ مقری (یا کوتسکی) شهری اولوب بو ولایت سبیریانک اڭ صغوق محللرینی شاملدر. پری مورسکی ایالتنگ مشهور شهرلری (اوخوتسکی) (ولادی واستوق) (خاباروفقه) شهرلر یدر. جنس، مذهب: سبیریا اھالیسنک جنس و مذهبلری بیک مختلفدر. سبیریانک جنوب سمتلرنده ساکن اولان (فالموق) (مغول) (مانجور) طائفه لری اوبی وینیسى جوارنده صیدله کچینان (اوستیاق) طائفه سی ینیسى ولنا نهری آراسنده ساکن اولان (طونغوز) قبائلی ولنا سطح مائلنده کائن (ماقوچ) طائفه سی و منتهای شرق شمالیک (چوچی) طائفه سی (باشقرد) و (تاتار) و (قیرغیز) قبائلی ایله شمالده (صموئید) قومی بو جسیم السکانی قابلامشدر. بو طائفه لرنک اکثری پت پرستدر بالکنزغرب جنوبیده کائن اھالی اسلام اولغله برابر شهر اھالیسی اکثریتله خریستیاندر. سبیریانک محصولاتی بیاغ، دری کورک= (میخ) و پور تقال کبی شیلر اولوب اھالینگ ثروتی ایسه قویون و کچی و آت و صغیر کبی حیواناتدن عبارتدر.

آسیای وسطی ما وراء بحر ہزر

روسیه ننگ بو قسم مستملکاتی یکی اسم ایله معروف اولوب آرال کولنگ شمال و شرق جھتنگ بولنان (قیرغیز) و (اوزبک) بلادینہ آسیای وسطی مستملکاتی و مذکور غرب و جنوب جھتلرینہ یعنی بحر ہزرک شرق جانبہ مصادفی اولان (ترکمن) بلادینہ ما وراء بحر ہزر مستملکاتی تسمیہ اولنمقدر. حدود: - سبیریا شرقا ترکستان چینی غربا بحر ہزر ایله جنوبا افغانستان بخارا و هندستان قطعہ لر یله محدوددر.

اهوال طبیعیہ: — شرق و جنوب قسمی مستثنیٰ طوتلدیفی حالہ بوممالک دوز و جسیم بر بیایلا اولوب اراضیسی منبت و مرعاری کثیر اولدیغندن محصولات زراعیہسی مہنولدر.

آت، قیون، دوه کبی حیواناتی غایت چوقدر. آرال کولنہ آقان (سردریا = سیحون) و (امودریا = جیحون) نہرلری بودیاری صولارلر. مشهور شہرلر: آسیای وسطیٰ مستملکاتنک مرکز ادارہسی اولان (طاشکند) (۱۲۰,۰۰۰ نفوس) شہر جسمیمی بو بلادک مشهور شہرلرندن برنچیسیدر. (خوقند) و (سمرقند) شہرلری اسکی و تجارتکاہ بلدلدر. ماوراءنہر تسمیہ اولنان قطعہنک بلاد معروفہ سندن بری (مرو) شہر عتیقی اولوب (سرخس) و (آباد) قصبہلریلہ بحرہزر ساحلنک کائن (میخایلوف) اسکلہسی دخی مشهوردلر. ترکستان روسی اہالیسی سکز میلیون قدر تخمین ایدلمسکده اولوب (اوزبک) (ترکمن) (وقیرغیز) اہالیسندن عبارتدلر. بوقوملر مغول و ترک قاریشقی اولہرق اہل اسلامدر.

(۱) بخارا خانلغی

ترکستانده من وجہ استقلالنی محافظہ ایدہ بیلن حکومت آنچی (بخارا) خانلغی اولوب کرسی حکومتی (۱۵۰۰,۰۰۰) نفوسی حاوی بخارا شہریدر مع مافیہ بو حکومتده روسیہ دولتی حمایہ سنلدر. مجموع نفوسی ایکی میلیون قدر حساب اولنیور. بو مملکتنک اراضیسی غایت محصولدار اولدیغی حالده اہالی معارف و علوم جدیدن بیخبر اولدیغندن لایقیلہ استفادہ اولنہ میور. اسکی زمانده بخارا منبع علوم ایدی شمدی ایسہ بونک عکسیدر. اہالی اسلام اولوب لسانلری فارسی لسانیدر.

قافقاسیا

روسیہنک آسیادہ بولنان اراضیسندن قافقاسیہ قطعہسی بحر ہزر ایلہ بحر سیاہ میانندہ اگلی بر برزخندن عبارت اولوب شمالا

آوردپای روسی شرقا بحر حزر جنوبا ایران و غربا آنا طولی و بحر سیاه ایله محدوددر.

احوال طبیعیہ: - قطعہ مذکورہ ننگ شمال حدودندہ (قافقاس) دینلان یوکسک طاغمر بولنورکہ (البرز) و (قازبک) کبی الگ یوکسک تپہ لری دائما قار و بوزلر ایله مستورددر. وسط سمتلری ایسه دوز و هواسی معتدل اولدیغندن ہر نوع نباتات و اشجار اورادہ دخی حاصل اولور. تور اتنک روایتنہ بنا نوح (علیہ السلام) ننگ کمپسی توقف ایدن (عرارات) تپہ سی ایران حدودندہ کائندر.

بو قطعہ ننگ مهم نہری (قور) چاییدرکہ (آراس) صوییلہ برلشدکن صگرہ بحر حزرہ منصب اولور،

مشہور شہرلر: - تیغلیس (۸۰,۰۰۰ نفوس) شہری بو قطعہ ننگ مرکزی اولوب (قور) چایی اوزرنده کائن (پوتی) و (صحوم قلعه) شہرلری بحر سیاه ساحلندہ بر اسکله درلر. (باکو) شہری بحر حزر ساحلندہ غایت غایت ایشلمک بر اسکله در. (روان) (تچوان) (الزاویتپول) (علکساندر و پول) (قارص) (باطوم) شہرلری دخی اولدیغچہ مشہور درلر. بو مملکت ننگ اہالیسی اکثری اسلام اولوب بر قسمی دخی (غریغوریان) و (اورتودوقس) در بو قطعہ ننگ نفوسی یئدی میلیوندن فضلہ اولوب جنسلری بک مختلفدر. مع مافیہ الگ مشہور قبیلہ (کرجیلر) اولوب گوزللسکری ایله عالمک برنچی درلر. و بوسبیدن ناشی عرق ابیضہ قافقاس سلالہ سی دخی دیرلر. بونلردن ماعدا ارمنی، روس، ترک، تاتار، آباز، عجم، چرکس طائفہ لری دخی واردر.

چین = قطای (۲)

حدود: - شمالا سپیریایا غربا ترکستان روسی جنوبا ہندستان،

ہندچینی و تونکین قطعہ سی شرقا بحر محیط کبیر ایله محاطدر.

احوال طبیعیہ: - چین مملکتی مرکز یا یلاسی اوزرنده بولندیغندن

چینگ تاغلری حدودنک بولنمقده درلر. بولنمقده شمالک (کنئی) (آلتای) غربده تیان شان، جنوبده هیمالایا وقره قوروم سلسله لریدر. چینک نهرلری حدود شمالیسنگ بر قسمنی تشکیل ایمن امور ایله هوانغهو وکیانغ نهرلریدر. کیانغ نهری آسیانک اڭ اوزون نهریدر. چینک (لوب) و (خوخونور) کوللری وارد چین سواحلنک (پچیلی) و (قانتون) قوبیندن ماعدا کرنئی بوقدر.

مشهور شهرلر: - چین ممالکی ایکی قسمدر. بریس اصل چیندرکه کاملا شرق جهتی ایله سواحلدن عبارتدر. بو راسی چینک اڭ غلبه لک و معمور محلیدن کرسی^۶ امارهسی (بیهو) نهری اوزرنک بولنان (پکین) شهریدر نفوسی (۲,۰۰۰,۰۰۰). (نانکین) (شانغهای) شهرلری دخی بشریوز بیکنن زیاده نفوسی حاوی اولوب عظیم تجارتگاهدرلر. (قانتون) (۱,۵۰۰,۰۰۰ نفوس) چین حکومتی طرفندن آوروپا تجارتنه اڭ اول بو شهر کشاد اولنمشدر. ایکنچی قسم چین ایمپراطورینه ویرگو ویرن ممالکدرکه آنلرده مانچوری، مغولستان، ترکستان چینی وتیبندر. (هاینان) آطهسی دخی چینه مربوطدر. (موقدن) شهری مانچوریانک (اورغا) مغولستانک (قاشقار) ترکستان چینینک (لاسا) تیبنگ کرسیء ادارهسیدر.

اهالی و مذهب: چین حکومتی کره ارضده گی حکومتلرک کافه سندن چوق اهالی یه مالکدر. یعنی دورت یوز میلیوندن زیاده نفوسی واردر. ایمپراطور بار چینلیله هاکم اولوب تاتار نسلندندر. مذهبلری موسی اولوب (براهما) و (بودا) شعبه سنه منسوبدرلر. چینده اسلام غایت کثرت اوزره بولنوب الکی میلیون قدر تخمین اولنمقدهر. سواحلک بولنان شهرلرده بر مقدار خرستیانک بولنمقدهر. چینک هندستانده و آفریقاده اسلامیت غایت سرعتله ترقی ایتمکدهر.

چین حکومتی مطلقه اولوب بو مملکتده هنوز معارف و صنایع یوق کبیدر. شمعی قوللانقلری آلات و ادوات بوندن ایکی بیك سنه اول قوللانقلری آلات و ادواتک عینیدر. چین آوروپالیلر کیی ترقی ایده چک اولورسه بتون عالمده بیوک بر تبدلات وجوده کلمه سی غایت مختلدر. ایشته بو ترقیات بو کونگی کونده باشلانمشدر. چینلیلر عساکر بریه و بحریه لرینی اگ صوگ اصولده تنظیم ایدر لر اداره لرینی اصلاح ایمن مشروطیت اصولنی قبول ایتمک ایستیور لر.

(۳) قوریا

قوریا قطعہ سی غایت طاغلق اولوب اراضیسی اولدنجہ مثبت و محصولداردر. اون میلیوندن زیاده نفوسه مالک اولوب مذہب لری (بودا) مذہبیدر. مقر حکومت (سؤل) شهریدر. بو مملکت دهانوم جهانتمن قالقاماشدر هنر و صنعت هیچدر. بو مملکت شمالا چین ایله غربا و جنوبا بحر اصغر شرقا ژاپون دکز یله محدوددر. اهالی مغول جنسندندر. شمعی بو مملکت ژاپونیا حمایه سنده در.

(۴) یاپونیا = ژاپونیا

ژاپونیا مملکتی آسیانک شرقنده و بحر محیط کبیر اورتہ سنده بر چوق آطه لردن عبارتدر که مشهور لری شونلردن: نیفون، کیوسیو، یزو، سیقوق، فورموز آطه لریله ساخالین آطه سینکده یارمی در. احوال طبیعیہ: - ژاپونیا آطه لری همان کافہ سی طاغلق اولوب جبالک اکثری دائمی صورتک بوز وقار ایله مستورددر. وولقانلری دخی بک چوق اوله رق ایگ مشهوری (فوزی یاما) در. ژاپون جزائرینی بیگ چوق نهر لر صولامقک ايسه ده اکثری کوچک و غیر مهمدر.

مشهور شهرلر: - توکیو ۸۳۰,۰۰۰ نفوس دنیانک اڭ جسیم
واڭ لطیف بلادن بیری اولوب ژاپونیا حکومتینک مقریدر. کیوتو
(۳۰۰,۰۰۰ نفوس) (نیفون) آطهسنه کائن هواسی غایت لطیف بر
شهردر. (یوقوهاما) بک کلیتلی تجارت ایدر بر شهردر. (کیوسیو)
آطهسنه کی نهر (ناغازاکی) شهری اڭ ابتدا آوروپالیلرک دخولنه
مساعه اولنان شهردر. بوندنماعدا (نیفون) آطهسنده کائن (اوزاقا)
شهری (کیوتو) شهرینک لیمانیدر. (فوریل) آطهلریله (لیوکیو)
آطهلریده ژاپونیا به عائددر.

اداره، مذهب، جنس، سکنه: - بوملکتینک ادارهسی مشروطهدر.
مذہبلری اکثریتله (بودا) و (سینتو) در یعنی مجوسلردر. جنسلری
ماغول اولوب کندولرینه مخصوص لسانلری واردر. ژاپونیا اهالیسی
بو کونگی کونک ایللی (۵۰,۰۰۰,۰۰) میلیون قدر تخمین اولنور.
ژاپونیا اراضیسی بک مثبت دکلسهده اهالی به زراعت نظاما بربورچ
اولدیغندن سعی وغیرت طبیعیه غلبه ایدرک هر درلو نباتات
یتشمکدر. یالکز طاغ باشلری حرائندن محروم قالماقدر. بو
مملکتک آلتون و کموش آز اولمیوب باقر آلتونه مخلوط اولهرق
مملکتک اڭ بیوک ثروتیدر. اهالینک تعیش (پرنج = دوگی یارمهسی)
ایلهدر. محبوبات سائریه بک اعتبار ایدلمز.

ژاپونیا دولتی بو صوڭ سنه لرده زیاده اعتبار قازانمش بر دولت
اولوب آز یاده بونلردن قوی بر ملت یوقدر. قوه بریه و بحریه سی
آوروپا اصولنک اولهرق اڭ صوڭ اصولک تنظیم اولنمشدر. بو دولت
تجارتیله ده آوروپا دولتلرینه رقابت ایتمکدر. وسوزی هر یرده یورمکدر.

(۵) (افغانستان)

حدود: - شرقا هندستان جنوبا بلوچستان غربا ایران و شمالا

ترکستان روسی و بخارا مملکتلریله محدوددر. *

احوال طبیعیہ: - افغانستان آسیانک الٹ طاعلق اراضیستندن اولوب (هندوکش) و (سلیمان گوه) جبالی دائما قار و بوزایله قبالیدر۔ مزاج و هوا علی العموم معتدل اولوب هر درلو نباتات نشو و نما اولور۔ مملکت مذکورده بیوچک ایکی نهر اولوب (کابل) جاییدرکه (سند) نهرینه جریان ایدر۔ ایکنجیسی دخی (هلمند) چایی اوله رق (هامون) کولنه منصب اولور۔

مشهور شهرلر: - (کابل) (۶۰,۰۰۰) افغانستانک مقرر حکومتیدر۔ (جلال آباد) (قندهار) و (هرات) شهرلری دخی مواقع مشهوره سندندر۔ افغانستان آلتی میلیوندن زیاده نفوسی شامل اوله رق کاملا اسلامدر۔ بومملکت انگلیز نفوذی ایله روسیه نفوذی مابیننده منازع فیه اولدیغندن سیاست اهمیتلی بر موقع اشغال ایتمشدر۔ افغانیلر بو خصوصدن استفاده ایدوب قره عسکرلرینی انگلیز اصولندک تنظیم ایدوب اپیچه بر قوه بریه حاصل ایتمشلردر۔

(۶) بلوچستان

حدود: - شمالا افغانستان شرقا هندستان غربا ایران جنوبا بحر عمان ایله محدوددر۔

بو مملکت بر اسلام حکومتی اوله رق اهالیسی بر میلیون قدر تخمین اولنمقددر۔ (کلات) شهری بو مملکتک مرکزیدر، اهالی هنوز مدنیتندن محروم اولوب حاصلات زراعیه و معدنیه سی بک آزدر۔

(۷) ایران = پیرسیا = عجمستان

حدود: - شمالا قافقاسیه و بحر هزر روسیه نیک ماوراء بحر حزر مستملکاتی ایله شرقا افغانستان و بلوچستان مملکتلریله جنوبا بحر عمان و بصره کورفزیله و غربا دخی آناتولی قطعه سیله محدوددر۔

احوال طبیعیہ: - ایرانک حدود شمالیه سنه غربدن شرقه طوغری (عرارات) (البرز) جبالی ممتد اولدیغی کبی غرب جنوبیه جهت

شرقیه یه طوغری (آلونډ) طاغلری امتداد ایدر. حاوی اولدیغی آنهاردن قافقاسیه حدودینی تفریف ایمن آراس چاییله بصره کورفزینه منصب اولان (قارون) نهری ذکر اولنه بیلور. ایرانک مهم اولان یالکز (ارمیه) کولی واردر. ایرانکک لطفی مواقعی قطعاً جنوبیه سی اولوب اورالرده بعضا شدتلی صیجافلر و مخاطره لی روز کارلر وقوعه کلور. بحر حزر جواری غایتله دوز و منبتدر. ایران مالکی محصولات نباتیه ده بک زنکیندر. اگ لذیند میوه لر آورو پایه ایرانین جلب اولنور.

بلاد مشهوره سی. - (طهران) (۲۰۰,۰۰۰ نفوس) ایرانک پایتختیدر. (اصفهان) شهری اسکین ایرانک پای تحتی ایدی. جونلردن ماعدا (همدان)، (شیراز)، (مشهد) و (بندر بوشیر) موقعلری مشهوردر. ایرانک اداره سی مشروطه اولوب اهالی سی کاملاً اسلامدر. بو مملکت هنوز لایقيله ترقی ایلمه مامشدر.

آسیای عثمانی

حدود: - شمالی قره دگز بحرسیه بوغازی مرمره دگری و چناق قلعه بوغازی و غرب طرفی آطه لر دگری بحر سفید و سوبوش قنالی و جنوب طرفی شاب دگری بحر عمان و بصره کورفزی و شرق طرفی دخی ایران دولتی و قافقاسیه قطعه سیله محدوددر.

احوال طبیعیه: - آسیای عثمانینک طاغلری ایران حدودنه کائن (عرارات) تپه سندن تشعب ایدرک (آلونډ) طاغلری ناميله جنوبه دیگری (طوروس) سلسله سی ناميله غرب جنوبی یه اوچنچیس (آنتی) طوروس سلسله سی ناميله غرب شمالی یه ممتد اولور. طوروس سلسله سندن برشعبه سی آق دگز ساحلنی تعقیب ایدرک جنوبه طوغری امتداد ایدرکه (لبنان) طاغلری تسمیه اولنور.

آسیای عثمانینک مشهور ایرمقلرندن: - (یشیل ایرمق) و (قریل

ایرمن (نهرلری بحر سیاهه (دجله) نهریله (فرات) نهرینک برلشمه سنن
 حاصل اولان (شط العرب) نهری بصره کورفزینه جریان ایدرلر.
 آناتولی قطعه سنده کوللر بیک چوق اولوب اڭ مشهورلری (وان)
 (بحر کوپ) و (طوزلی کول) نام کوللردر. آسیا عثمانیه مشهور اوله رق
 اوچ کورفز واردرکه آنلر شونلردر. آطه لر دگزنده (ازمیر) کورفی
 آق دگزنده (آطالیه) و (اسکندرون) کورفلریدر.

تقسیمات و مشهور شهرلر: - آسیای عثمانی اون آلتی میلیون
 قدر نفوسی شامل اوله رق بش قسمه بولنمشدرکه آنلر شونلردر:
 آناتولی، کردستان، عراق، سوریه و عربستان قطعه لریدر.

آناتولی قطعه سی: - آناتولی قطعه سی آسیای عثمانینک
 قسم غربیسنن عبارت اولوب بحر سیاه، مرمره دگزی، آطه لر دگزی،
 بحر سفید، کردستان، سوریه قطعه لریله محدوددر. بو قطعه نڭ مشهور
 شهرلری (بروسه)، ازمیر کورفزنده کائن (ازمیر) (۲۰۰,۰۰۰ نفوس)
 (قونیه) (آنقره) و (آطنه) شهرلریدر. آطه لر دگزنده واقع (رادوس)
 (مدلی) (لمنی) (ساقز) آطه لری ودها برطاقم آطه لر بو قطعه یه منسوبدر.
 کردستان: - آسیای عثمانینک کردستان قطعه سی آناتولی،
 عراق، ایران، و قفقاسیه مملکتلریله محدوددر. مشهور شهرلری
 (ارضروم) و (وان) در.

الجزیره = عراق = میسوپوتامیا: - الجزیره قطعه سی فرات
 و دجله نهرلرینک ما بینی اولوب (بغداد ۱۰۰,۰۰۰ نفوس) (بصره)
 شهرلری بلاد مشهوره سننددر.

سوریه: - سوریه قطعه سی آناتولی، کردستان، الجزیره قطعه لریله
 بحر سفید آراسنده سوبش قنالندن جزیره العربیه قدر متمد بر مملکتدر.
 (شام) شریف (۲۵۰,۰۰۰ نفوس). و ساحل بحرده کائن (بیروت) شهرلری
 و (قدس شریف) شهرلری مشهوردر.

عربستان قطعه سی : - جزیره العرب نام شبه جزیره ننگ غرب ساحلند واقع و باب المندبه قدر ممتد اولان اراضی ترکیا اداره سنه اولوب دولت عثمانیه ننگ آسیاده گی اراضی سیننگ بشنچی قسمنی تشکیل ایدر. بوقطعه ننگ بلاد مشهوره سی (مکه مکرمه) (مدینه منوره) و بونلرک اسکله لری اولان (جده) (وینبع البحر) شهرلریله (صنعا) و (طائف) بلده لریدر. لسان، جنس، مذهب : - لسان رسمی ترکیجه اولدیغی حالده هر ملتنگ کندوسنه مخصوص دیلی واردر. آسیای عثمانی اهلایسی جنسجه فوق العاده مختلف اولوب آناتولیدک ترکلر و روملر، کردستانک، کردلر و ارمنیلر، سوریه عراق و عربستانک عربلر ساکن اولمقددر، عرب، ترک و کردلر عمومیتله اسلامدرار. ارمنیلر غربیغوریان اولدیغی حالک سوریه ده بر مقدار اورتودوقس و قاتولیک دخی بولنور.

آناتولی، سوریه و عراق قطعه لری غایت منبت و محصولدار اولوب هر نوع میوه و حبوبات کثرتله بتیشور. آناتولی قطعه سی معادن اعتباریله ده بیک زنکیندر. لکن فابریقه چیلک و صنایع دها لزومی قدر ترقی ایدمه مدیکندن و یوللر منتظم اولمدیغندن اهالی بو ثروت طبیعیه لردن لایقوله استفاده ایلمیور. لکن شمدیگی کونلرده آسیای عثمانیننگ هر طرفنده دمیر یوللر یاپلمق اولدیغندن ثروت عمومی ننگ ترقی ایدوب اهالینک آژروپا مدنیتنی قبول ایلمچکی اشکاردر.

(۸) عمان = مسقط

عمان مملکتی مستقل برامیره تابع اولوب مقری (نزوه) شهریدر. بصره کورفی ساحلند کائن (مسقط) شهری بو مملکتنگ مهم تجارتگاه بلک سیدر.

عدن

جزیره العربک غرب جنوبیسنک واقع (عدن) شهریله جوارند بولنان بر مقدار اراضی انکلتویه تابعدر. عدن هند یولی اوزرنده

بيك اهمينلى برليماندر. باب المندي ابكى كچيد حالنه قوبان
(پریم) آطه سی دخی انكلتره نكلدر.

هندستان = ایندیا

حدود: - بوملكت شمالاچين السكسندن تفریق ایدن (هیمالایا)
طاغلریله محدود اولوب شرقا (بنگاله) کورفزی وهندچینی جنوبا بحر
عیط هندی وغربا آفغانستان بلوچستان و عمان دگزیله محاطدر.
احوال طبیعیه: - هندستان قطعه سی (هیمالایا) اتکلرندن باشلیوب
(قومورین) بروننده نهایت بولور. (سیلان) آطه سیله (بنگاله) کورفزی
و عمان دگرنده واقع آطه لر هندستاندن صایلمقده در. هیمالایا طاغلرنده
کائن (عوارانقار) دنیانگ اگ یوکسک نقطه سیدر. هندستانه هیمالایا
طاغلرندن تشعب ایدوب هندستانی شرقی وغربی ابکی سطح مائله تقسیم
ایدن (وندیه) طاغلری واردر. اوشبو طاغلرده درین اوچوروملر
وینشمش اورمانلر واردر. شرق سطح مائلنه یعنی (بنگاله) کورفزینه
(عانژ)، (براهماپوترا) نهرلری جریان ایندیکی کیی غرب سطح
مائلنه دخی (کابل) چایپله (پنجاب) دنیلان بش صویک اجتماعندن
حاصل اولان (سند) نهری جریان ایدر. (سیلان) آطه سیله هندستان
مابیننده (پالغ) بوغازی واقعدر.

هندستانگ هر طرفندک معمور و غلبه لق نهرلر و عجیب معبدلر و مستحکم
قلعه لر کوریلور ارضک قوه انباتیه سی و محصولاتک کثرتی و تنوعی جهتیله
هندستان کره ارضک اگ قیمتی قطعاتندن معدوددر. و بونگ ایچون جمله
پادشاهلر اسکیدن بپر و بوقطعه بی تملک ایتمک سودا سینه دوشمشلردر.
و بوقطعه جمله اقوامه تجارت ملیدر. هندستانگ شمال سمتلری صفوق
اولوب وسط و جنوب طرفلری ایسه غایت صیجا قدر. هندستانده ابکی
یوزاللی میلیون دن زیاده اهالی اولوب آلمش میلیون قدر مسلم و بش
میایون قدری خورستیان و متباقیسی مجوسدر. مجوسلر اکثری قله (براهمه)

مذهبنده اولوب شمال طرفلرنده (بودا) مذهبنده اولانلریسه واردر. بوقوملر (بنگالی) (مجات) (مالابار) (سند) (پنجاب) (اور دو) لسانلریله تکلم ایتدیگلی کبی اهالی اسلامیه میانده معاملات اکثریا فارسی لسانی اوزره جریان ایدر. اسکی هند کتابلری ایله دعالری یازیلان (سانسکریت) لسانی غایت بلیغ و فصیح بر لساندر. هندستانده حیوانات انواعی دخی کتیردر. میمون سوریلری و بیک زیاده وحشی قیلانلر و فیل و مسک کچیسی بو مملکنده کثرت اوزره بولنورلر.

هند انگلیزی

هند انگلیزی دیوهندستانک انکلنره اداره سنه بولنان قسمنه اطلاق اولنور. هندستانده انگلیز اداره سی ایکی صورتله در. بریسی طوغریدن طوغری یه انکلنره اداره سنه اولان مالکدر که هندستانک قسم اعظمندن عبارت اوله رق یوزیتمش میلیون قدر نفوسی شاملدر. دیگر ایسه انکلنره یه ویرگو ویرمکه مکلف اولان پرنسلسکردر.

مشهور شهرلر: - (قالسکوتیه) (۸۰۰,۰۰۰ نفوس) شهری عظیم تجارتگاه بر بلده اولوب آسیاده بالجمله انکلنره مستملکاتنک مرکزیدر. (بطنه) (۱۷۰,۰۰۰ نفوس) بهار حکومتنک مرکزی ایدی. (الله آباد) (۱۵۰,۰۰۰ نفوس) عانز نهری اوزرنده کائندر. (بنارس) (۲۰۰,۰۰۰ نفوس) هندولرک علوم و ادبیاتده ایلر و کیدن بلک سیدر. (دهلی) (۱۵۰,۰۰۰ نفوس) مقدهما هند پادشاهلرینک مقری ایدی. (لاهنو) (۳۰۰,۰۰۰ نفوس) مقدهما عود حکومتنک مرکزی ایدی. لاهور (۱۵۰,۰۰۰ نفوس) مشهور تجارتگاه بر بلده در. (پیشاور) آفغان هدودنده متین بر قلعه در. (بومبای) (۸۰۰,۰۰۰ نفوس) آژروپا پوسته لرینک موقعی اولمق جهتیه تجارت و نفوسچه عموم هندستان شهرلرینه سبقت ایتمشدر.

(احمدآباد) (۱۳۰,۰۰۰ نفوس) عظیم و مشهور بر بلک در. (مدراس) (۶۰۰,۰۰۰ نفوس) شهری تجارت و معموریتچه هندستانک اوچنچی

بلکه سیدر. سیلان آطه‌سندھ کاٹن (قولومبو) شهری آژروپا و آفریقادن چین دگزلرینه کیلین پوسته لراک موقعیلدر (۱۰۰,۰۰۰ نفوس). (کشمیر) (۱۳۰,۰۰۰ نفوس) کشمیر حکومتنگ مقریلدر. کجرات شبه جزیره سندھ (باروده) شهری (۱۴۰,۰۰۰) نفوسی حاوی مشهور بر شهردر. (حیدر آباد) (۳۵۰,۰۰۰ نفوس) نظام حکومتنگ مقریلدر. بحر محیط هندیک کاٹن (لاقدیو) آطه‌اریک انکلتره تابعینتی قبول اینمشدر.

(۹) نیپال

نیپال حکومتی هندستان ایله چین مابینندک وهیمالایا طاغلری اتکنک واقع در مقر حکومتی عبادتخانه لریله مشهور اولان (قاتماندو) شهریلدر.

(۱۰) بوتان

بوتان حکومتی وهیمالایا طاغلری آراسندک کاٹن احوالی مجهول اوفق بر مملکتدر. بو ایکی حکومت شمعی انکلتره اداره‌سندکدر.

(۱۱) مالدیو جزائر

مالدیو جزائر مجتمعسی دخی مستقل بر سلطانتک اداره‌سندکدر مقری (ماله) شهریلدر. اون ایکی بیک قدر مالدیو آطه‌لرندن یالکزلالی قدریسی مسکون و مزروعدر.

فرانسه مستملکاتی

الپوم فرانسرلر هندستانک (بوندشیری)، (قاریفال)، (ماها)، (شاندارناغور)، (یانائون) نام بش شهره مالکدرلر. مقدار نفوس جمعاً ایکی یوز سکسان بیک قدردر.

پورتگیز مستملکاتی

بو کونکی کونک پورتگیزلر هندستانده (دیو)، (دامان)، (غوا) شهرلرینه مالکلو مقدار نفوس جمعاً بش یوز اوتوز بیک قدردر

هند چینی

حدود: - غرباً بنگاله کورفزی و هندستان ایله شرقاً بحر چین و شمالاً چین ایله جنوباً (آوسترالیا) قطعه سندن تفریق ایدن (مالاقا) بوغازی ایله محدوددر. هند چینینگ شمال جهتلری همالایانگ شرقی قوللریله عارضه لریدر. بو مملکتی (ایراوادی)، (منام)، (می قونغ) و (ماریابان) نهرلری بوییدن بویه صولامقدهدر. بنگاله کورفزی کائن (آندامان) (نیقوبار) جزائری ایله (مرگی) جزائر مجتمعهسی هند چینی اجزاسندن معدوددر. هند چینینگ جنوبی اوچی (مالاقا) شبه جزیره سیله معروف اولوب بوشبه جزیره (رومانیا) برونیله نهایتلنور. بوشبه جزیره ننگ شرق ساحلنک (سیام) و (تونکین کورفزی) مشاهده اولنور. بو مملکتک طوبراغی غایت محصولداردر. هند چینیده حاصل اولان نباتات اکثریتله بو مملکتده دها حاصل اولور. هند چینینگ معادنی دخی ذکره شایاندر. آلتون، قالای، مرجان بو مملکتلرده بک چوق بولنور. بو قطعه ننگ نفوسی اوتوز میلیون (۳۰,۰۰۰,۰۰۰) دن زیادهدر.

فرانسه مستملکاتی

فرانسزلر هند چینیده (تونکین) (قوشنشین سفلی) و (قوشنشین علیا) مملکتلرینی تملک ایتمیشلردر. تونکینک مقری (هانوی) شهری اولوب (۱۲۰,۰۰۰) نفوسی حاویدر. (قوشنشین علیا) مملکتینک مقری (هوده) شهری اولوب آسیانک اڭ ظریف و مستحکم بلادندن بریدر. بو ایکی قطعهیه بردن (عننام) حکومتی دینلور. قوشنشین سفلی ننگ مقری (سایغون) شهریدر. مه قونغ نهری آغزنگ کائن (پولوقوندر) جزائری دخی فرانسهیه مربوطدر.

قامبوج قراللیغی

قامبوج قراللیغی قوشنشین فرانسوینک غرب شمالنک کائن اوفاق

بر حکومت در. بو مملکت مه قونغ نهريله صولانمقلادر مقر حكومتی
(نپومپنغ) شهریدر. بو کونگی کونگ بو مملکت فرانسه حمايه سنه در.

(۱۲) سیام قرالغی

مصولاتنگ کثرت و برکتی حسبیله مشهور اولان سیام الکاسی هند
چینیونگ تام وسطنگ بولنور. بو مملکتی (مه قونغ) و (سیام) نه رلری
اسقا ایدر. پایتختی (منام) نه ری آغزنده واقع (بانقوق) شهریدر
(۵۰۰.۰۰۰ نفوس)

انسکلیمز مستهلکاتی

حالا (برمان) اراضیسی کاملا انکلتره تصرفند اولوب مالاقه شبه
جزیره سنک جنوبنده کائن بعض موقعی دخی شاملدر. مالاقه بوغازنده
کائن (مالاقه) شهری (پولونپانغ) آطه سیله مقابلند بولنان (ولسلی)
اراضیسی (سنگاپورا) جزیره سی (آندامان)، (نیقوبار) و (مرگی)
آطه لری دخی انکلتره یه تابعدر. (ایراوادی) نه رینگ آغزنده کائن
(رانغون) شهریه (پونپانغ) آطه سنده کائن (ژورژتون) و سنگاپوره
آطه سنک کائن (هونغ قونغ) آطه سی دخی انکلتره یه عائددر

(۱۳) جوهور حکومتی

مالاقه شبه جزیره سنک جنوبند اوفاق توفک بر حکومت مستقله
موجود اولوب بونلرنک ذکره شایان اولانی آنجق (جوهور) حکومت
اسلامیه سیدر بو حکومت آسیاننگ اگ جنوب نقطه سنه حکم ایتمکدر.
هند چینی اهالیسی اکثریتله موسی اولدیغی حالده مالاقه شبه
جزیره سنده و بعض سواحل جنوبیه ده اسلاملرده واردر.

حاصلات

معادن: - آلتون، کموش، باقر سبیر یاده چین و ژاپون یاده
غایت کثرتله بولنور تیمور معدنی آسیاننگ هر سمتنده بولنور.

بر کموری چین و ژاپونیا و هندستانه بك كثرتلى ايسه ده هندستانه ايشلند بيريلانى بك كلينليدر.

حبوبات: - آرپا، چاودار = (آرش) صغوق ممالسكده باشليچه واسطه غدا ئيه در. بغدادى ايرانه ژاپونيه چينه بك گوزل يتشد بيري لور. پرنج = (دگى) وقوقوروز جنوب سمنلرنده حاصل اولور.

نباتات: - صندال، آنبوس، عود آغاچلرى جنوبي مملكتلرده بهار ياتك انواعيله چاي چين و ژاپونيه و انجیر جنسندن اولان (بانان) نام جسيم آغاچ هندستان و هند چينيك و سيلان آطه سنه نشوونما بولور. بانان آغاچنك سايه سنه بيك عسكرو سايه لنه بيلديكى تواتر انقل اولنيور. واحلرده باشليچه پاموق زرع ايديلوب خرما قهوه عربستان يكانه محصوليدر.

حيوانات: - سبيرياده سمور = (صوصار)، سپاه دلسكو و بوگا مائل كوركلى = (مىخلى) حيوانلر كثرت اوزره بولنور. مركز يايلاسنه طوغرى طاغ قيونى، سوريلر ايله برونوع او كوز و جتهلى سمندر و تبت سمت لرنده يونلرى كشمير فابريقه لرنه مستعمل كچيلر و هندستان طاغلرنه، تربيه ايدلمگه مستعد آيولور و مسك كيكنى وارد. تركستانده و بتون آسيماي غريبنه ايكنى هور كچلى دوه لر نقلياتنه كثرتله مستعملدر. آت جنسنگ اعلاسى عربسانده بيور.

هندستان و هند چيني ده تك بوينوزلى (كركدان) ايله غايت ذكى و آليشقان فيل و اون آرشين طولنده تمساح و قپلان بولنمقده در. بتون آسياده سكر يوز ميليوندن زياده نفوس وارد.

آفريقا قطعسى

محدود: - شمالا آق دگز شرقا شاب دگزي و بحر محيط هندى غربا بحر محيط آطلاس ايله محدوددر. آفريقا، آژروپاننگ جنوبنده و آسياننگ غربنه دوشر. آفريقاي آسيادن سويش قنالى و باب المنذب بوغازى آژروپادن سبته بوغازى تفريق ايتمشدر.

آفریقانك جسامتی: - بش قطعه ایچنده بیوکساکچه آفریقا اوچنچی اولوب اوچ آوروپا قدر وسعنه مالکدر.
آفریقانك دڭزلی: - شمالده آق دڭز بحر محیط آطلاسیدن شرقده شاب دڭزی بحر محیط هندیدن حاصل اولمشدر.

آفریقانك کورفزلی: - شمالده (سیدره) و (قابس) کورفزلی بحر سفیددن شرقده (عدن) کورفزی بحر محیط آطلاسیدن پیدا اولمشدر.
آفریقانك بوغازلی: - آفریقا قطعه سیله آوروپا ما بیننده (سبته) بوغازی اولدیغی کیس آسیا بیننده دخی (سویش) قنالی و (باب المنذب) بوغازی واردر.

آفریقانك نهرلی: - آفریقا نهرلی ایچنده مشهور اولان آنچق نیل مبارکدر نیل مبارک آق دڭزه دوکیلور. نیل دنیاده گی الك بیوک صویك بریدر غربده بحر محیط آطلاسیه آقان (سنغال)، (غامبیا)، (نیغر)، (قونگو)، (اورانژ) شرقده (زامبزی) نهرلی دخی واردر.

آفریقانك کوللی: - خط استوا آلتنده بولنان (ویقتور نیانزه)، (آلبرنیانزا)، (تانغانیقا) ایله وسطه (چات) کولی و نیل مبارکه قاریشان (تاتا) کوللی آفریقانك مشهور کوللردن صاییلورلر.
آطه لر و طاقم آطه لر: - آفریقانك الك مشهور آطه لری اوقیانوسلرده در. آصور، مادر، یشیل برون، قناریه طاقم آطه لریله (اسانسیون)، (سنت هلن)، آطه لری بحر محیط آطلاسیه (مداغسقار) جزائر عظیمه سیله (سقوطره) آطه سی و (سیشل)، (آمیرانت)، (ماسقارین) طاقم آطه لری بحر محیط هندیه واقع اولمشدر.

طاغلا چوللر: - آفریقا باشقه قطعه لر کیس بیوک سلسله و مشهور طاغلیری حاوی دگلدر. طاغلق محللیری ساحله قریب یرلری اولوب سائر محللیری غایت کنیش چوللردن عبارتدر. دنیانك الك قورقچ و الك صیجاق و غیر مسکون چوللری آفریقاده در. شمال ساحلنه قریب

(آطلس) غرب ساحلنه یقین (قونغ) شرق جنوبی ساحلنه یقین (لوپایا) سلسله لری شرق شمالی ساحلنه قریب (عرب) و (حبش) طاغلیری آفریقانک مشهور سلسله لریدر. خط استوا آلتنده (کلیمانجارو) طاغلیری آلتی بیک متره قدر یوکسک محللر اولوب تپه لرنده قار و بوزا کسک اولمز.

ؤولقانلر: - آفریقانک ؤولقانلری هب آطه لرنده در. مشهورلری قناریه آطه لرنده (تناناریف) آطه سنده، یشیل برون آطه لرنده، کینه کورفزنده کائن (فرناندوپو) نام کوچک آطه لرنده، (ماسقارین) آطه لرنده در.

آفریقای عثمانی

دولت عثمانیه نك آفریقاده گی ممالکنه آفریقای عثمانی دینورکه بونلرده مصر اراضی سیله (تونس) و (طرابلس غرب) مملکتلرندن عبارتدر. احوال طبیعیه: - حبشستان سلسله سی مصر مملکتنه دخول ایله شاب دگزی بوینجه دگزی تعقیب ایده رک سویشده نهایت بولور. آطلاس سلسله لرینک شرق اوچی تونس و طرابلس مملکتلرنده (فزان) و (بنغازی) کبی یایلا لر حاصل ایده رک نیل جوارنه نهایت بولور. آفریقای عثمانیه نیلدن ماعدا مهم نهر یوقدر. نیل آفریقانک وسطندن ظهور ایله باشلیچه (نیل ازرق) و (آنبارا) صولریله کسب جسمت ایده رک (رشید) و (دمیاط) آغزلریله دگزه دو کیلورلر. نیل هر سنه فیضان ایده رک مصرک (دلنا) دینلان دگزه قریب محللرینی کاملا صولور. و بونک ایچون (دلنا) مصرک اڭ منبت یریدر نیل مبارک سایه سنه مصر دنیانک اڭ معمور و اڭ محصولدار قطعه لرندن یریدر. طرابلس غرب قومسال و غیر منبت اولوب قابل استفاده محللری آق دگز ساحلنده (طرابلس) جوارى ایله (برقه) یایلاسی و جنوب غربیه (غدامس) و اهلرینه منحصردر.

مصر قطعه‌سی

حدود: - شمالا بحر سفید شرقا سویش قنالی و بحر احمر جنوبا حبشستان و بلاد (نوبه) غرب ادفی صحرای کبیر و طرابلس غرب ایله محاطدر. مصر قطعه‌سی آفریقانک شمال شرقی اوچی اولوب غرب نیل مبارک ایله هیات بولور. بوراسی دولتنگ امتیازلی برایالتی اولوب والیسی فرمان پادشاهی ایله نصب اولنور. و دولت عثمانیه یه سنوی معین ویرکو اعطا ایدر. بو مملکت آژروپادن، هندستانه، چینه و آوسترالیایه کیدن پوسته لرک کچیدی اولدیغندن سیاست فوق العاده اهمیتلی در. الحاصل مصر هندستانک کلیدی برنده در. مصر قطعه‌سی حقوق دوله مغایر اوله رق انکلیز عسکرینک اشغالی تحتند در.

مشهور شهرلر: - القاہره (۴۰۰,۰۰۰ نفوس) آفریقانک اگ بیوک شهر ای اولوب مصر قطعه‌سنک مرکز ایدر. (اسکندریه) (۲۰۰,۰۰۰ نفوس) مصرک اگ تجارتگاه و اگ ایشلک اسکله سیدر. (سویش) و (پورت سعید) بله لری سویش قنالنک ایکی اوچنک کائندرلر. (دمیاط) و (رشید) شهرلری نیلک آغزینک واقع در. (خرطوم) وسطی آفریقا ایله مبادله و تجارت محلیدر. مصرک سکنه‌سی ماحقاتیله برابر اون یدی میلیونسه بالغ اولوب مذهبلری اسلام ولسانلری عربجه در. شهرلرده بر آزروم و فرانسز و انکلیز و غیریلرده وارد در.

طرابلس غرب ولایتی

شمالا بحر سفید جنوبا صحرای کبیر غربا (طونیس) و شرقا مصر ایله محاط اولان قطعه طرابلس غربدر. مرکز ادارہ‌سی ساحل بجرده کائن (طرابلس) شهر ایدر. (بنغازی) شهری دخی اولدقجه مشهور بر شهردر. مقدار نفوسی بر میلیون قدردر. بونلر کاملا اسلامدر. بو مملکت دولت عثمانیه‌نک بر ولایتیدر.

تونس

حدود: - شمالا بحر سفید جنوبا صحرای کبیر شرقا طرابلس
غرب غربا جزائر الکاسیله محدوددر، تونس قطعه سنده (مجرده) نام
بیوچک برنهر واردر. بوقطعه غایتله منبت اولوب ایکی میلون قدر
نفوس شاملدر اهالی کلیا اسلامدر، مرکز ایالت (تونس) شهری اولوب
(۲۰۰,۰۰۰) دن زیاده نفوسه مالسکدر. (بیزرطه) آفریقانک اڭ شمالی
بلده سیدر. (قروان) (۶۰,۰۰۰ نفوس) اسکیدنبرو مشهور شهردر.
بو مملکت دولت علیه نڭ امتیازلی بر ایالتی اولدیغی حاله
موقتا فرانسه حمایه سنه ترک اولنمشدر.

جزائر = آل ژیر

حدود: - شمالا بحر سفید، شرقا تونس ایالتی، جنوبا صحرای
کبیر غربا (فاس) قطعه سی ایله محدوددر.
بومملکتنڭ شمال طرفی طاغلق اولدیغی حاله جنوبی چوالسکدر.
بحر سفید ایله طاغ مابیننده اولان قطعه خیلی محصولدار اولوب
برچوق نهرلرله اسقا اولنمقندر. اڭ مشهوری (وادی الشلیفی) چاییدر.
بو قطعه ده اوچ میلیوندن زیاده اهالی موجود اولوب ایکی یوزمڭ
قدرلی آوروپالی و باقیسی یولیدر. یولیلورکاملا عرب واسلامدر.
بو اراضی فرانسه طرفندن نصب اولنان بروالی طرفندن اداره اولنور.
مقر حکومتی (۶۰,۰۰۰) نفوسی حاوی (جزائر) شهری اولوب
(قسطنتینین) و (اوران) شهرلری دخی مشهوردر.

(۱) فاس = ماروق

حدود: - شمالا بحر سفید، غربا بحر محیط غربی، جنوبا صحرای کبیر
شرقاً جزائر قطعه سیله محاطدر. آطلاس طاغلرینڭ اڭ بوکسک نقطه لری

بو قطعه ده در. فاسده، بحر سفیده جریان ایدن (وادی الملوویه) دن بشقه مهم صو یوقدر. فاس قطعه سی عرب نسلنن بر اسلام سلطانی ایله اداره اولنور. اهالی یدی میلیوندن زیاده همین ایدیلور. سکنه کاملاً اسلام اولوب مقر حکومتی (ماروق) شهریدر. (۵۰,۰۰۰ نفوس). یوز مگ نفوسی حاوی (فاس) شهر ییله (طنجه) شهری دخی مشهوردر. بو حکومت دخی علوم جدیدن بی بهره اولوب غایت ضعیفدر.

صحرای کبیر

نیل مبارکن محیط آطلاسی به قدر اوزانان و یارم آوروپا قدر کنیش اولان چوله صحرای کبیر دینور؛ بوراسی غایت دوز و قومسال بر محل اولوب بعض جهتلرنه کسکین کسکین قیالقلر عارضنه لر تشکیل ایدر. و روزگار ایله تبدیل موقع ایدن قوم تپه چکری بو جسم چولی طالغه لندیریر.

و طورغون و آقار صولردن دخی اکثر هملری یغمورلردن بیله عمر و مدر. بو چول، غیر مسکون و ایصسزدر. دورت میلیون قدر بدویلردن عبارت اولان سکنه سی و اهلرده بارینورلر. واح دیوچوللر اورطه سنده اولان اوتلاق و صولاتق پرلره دینور که طبیقی دگزده آطه کبیدر. صحرای کبیر سکانی اکثر ییله اسلامدر. بو قطعه ننگ سواحلی اسپانیا تصرفنده در.

سنه غامبیا

(سنغال) و (غامبیا) نهرلری آراسنه قالان مملکتنه سنغامبیا دینور. بو مملکت شمالا صحرای کبیر و شرقا سودان شمالی و جنوبا (کینه شمالی) و غربا بحر محیط آطلاسی ایله محدوددر. آفریقا ننگی اگ غرب نقطه سی بولنان (یشیل برون) بو قطعه داخلنده در. بو قطعه ننگ سواحلی

فرانسز، انگلیز و پورتگیزلر انده در. (سن لوی) سنغال نهرینک منصبنه اوله رق فرانسز مستملکاتنک مقریدر. (باتورست) غامبیا منصبنه واقع اولوب انگلتره مستملکاتنک مرکزیدر. (قاشهو) شهری پورتگیز مستملکاتنک مرکز حکومتیدر.

کینهء شمالی

قونغ طاغریله کینه کور فزی آراسنه قالان مملکته کینهء شمالی دینور. قونغ طاغرنندن پک چوق انهار جریان ایتمکده ایسه ده اڭ مشهوری (نیغر) نهریدر کینه سواحلنک صره سیله تعداد اولان آشایک کی مستملکات وبلده لره تصادق اولنور: اول انگلتره طرفندن تأسیس اولان (فریسطون) مستملکاتی بولنور که مقری (فریسطون) شهریدر. ثانیاً آمریکا جمهوریتی طرفندن تأسیس اولنان (لیبریا) جمهوریتی اولوب مقر حکومت (مونروویا) شهریدر. (۲۵۰۰۰۰ نفوس). ثالثاً فرانسیه طرفندن تأسیس اولنان (گران بسان)، (آسینی) (دابو) شهریدر.

رابعاً انگلیزلر طرفندن تأسیس اولنان (قاب قوغاست) مستملکاتی اولوب مقری (قاب قوغاست) شهریدر.

خامساً (داهومه) حکومتی بولنور که مقری (آبومه) شهریدر. سادساً (پاغایدا) اسکله سی واقعدر که آلمانیا به عائددر. سابعاً (پورتونوو) اسکله سی فرانسه مستملکاتیدر. ثامنناً (لاغوس) اسکله سی انگلتره به عائددر.

تاسعاً (بنن) سواحلنی بنن حکومتی قاپلامشدر که مقر حکومتی دخی او اسمک بسر شهردر. حالاً بو سواحلده انگلتره به تابعدر. عاشراً (قامرون) اراضی سی آلمانیا به تابع اولدیغی کبی (غابون) و (براززویل) قطعهمیده فرانسه به تابعدر.

کینه جنوبی

قونغو نهریله اورانژ نهرلری بیننگی ساحله کینه جنوبی تسمیه اولنور. (قونغو) (قوانزه) و (قونهنه) نهری بو مملکتی اروا اینمکنه در. شمالدن جنوبه طوغری صره سیله کیرلرکنده بروجه آتی مستملکاته تصادفی اولنور.

اولا (قونغو) حکومتیدرکه بو حکومتی آوروپا دولتلری تأسیس ایدرک بالاتفاق باجیقا قرالنک تحت نظارت وسلطنتنه وضع ایلدیلر بو حکومت بتون (قونغو) سطح مائلی محیط و آروپا دولتلری تجارتنه کشاده در.

ثانیا پورتکیز مستملکاتی واقع اولوب مقر حکومتی (قوانزا) نهری آغزنده کائن (لوعاندا) شهریدر.

ثالثا قونهنه نهرندن تا (قاب) مملکتنه قدر امتداد ایلمن (دامارا) و (ناماقوا) سواحلی آلمانیا ییه عائددر.

قاب و ناتال

آفریقانک اڭ جنوبی اوچی قاب مملکتیدر. مشهور (امید) برونیه (ایکنه) برونلرینی شاملدر. بو مملکت شمیدیکی حالده بیگ زیاده معموردر. وانکلیرلرک اڭ قیمتلی مستملکاتندن معدوددر. ناتال مستملکاتی دخی انکلتره نڭ اولوب آفریقانک سواحل شرقیه سنه (قاب) مملکتنه متصل اولان سواحلدن عبارتدر. قاب و ناتال مملکتلری عموما طاغلق اولوب معادنی غایتله کثیردر. بو السکارک مقری (قاب طاون) شهری اولوب مشهور شهرلری (جورج طاون) و (غراهامس طاون) و (دوربان) شهرلریدر.

ترانسوال و اورانژ جمهوریتلری

انکلیرلر هولانده لیلردن قاب مملکتنی ضبط ایدرکن فلمنکلر راضی اولمبهرق ایکی جمهوریت تأسیس ایتمشلردرکه بری (اورانژ) و دیگر

(ترانسوال) جمهوریتیدر. اورانژ جمهوریتنک مفری (بلومفوتن) وترانسوال جمهوریتنک مفری (پره توریا) شهریدر. شمذیکی زمانده بو ایکی حکومنده انکلترهنگ تحت تصرفه کچمشدر. (الحکم لمن غلب)

موزامبیک

موزامبیک سواحلی (ده لاغوا) کورفزنده (دلغانو) بروننه قدر امتداد ایدن اوزون بساحل اولوب پورتکیز مملکتهدر. کوچک بر آطهده کائن (موزامبیک) بلدهسی کرسی ادارهسیدر.

زنکبار

زنکبار موزامبیکک شمالنده خط استویه قدر اوزامش بر مملکت اولوب اهالیسی زنجی واسلامدر. صوگ زمانلرده بومملکتی آلمانلر ضبط واستیلا ایتمشلردر. مفر حکومت بر کوچک آطهده کائن وغایت گوزل لیمانی حاوی اولان (زنکبار) شهریدر.

صومال

آفریقانک شرق اوچی اولان (عاردافوی) برونیه نهایتلن صومال نام مملکت عدل، عجان نام لریله ایکی قسمدر. اهالیسی عرب وکاملا مسلماندر.

مشغولیتلری چوبانلق وکمپچیلکدر. ساحلده (بربره) (زیلم) شهرلری انکلتره و(اوبوخ) لیمانی فرانسه تصرفندهدر. مصرک اجزاسندن بولنان (مصوع) و(عصب) شهرلرینی دخی ایتالیانلر ضبط ایتمشدر.

(۴) حبشستان

حبشستان مصرک جنوبنده شاب دگزینک غربنه کائن طاغلق بر مملکتدر. بو مملکتک اهالیسی علوم و معارفدن بهره مند دگلدرلر. عذهلوی خروستیانددر، مفر حکومت (غوندار) بلدهسی اولوب حا کمی قوال عنواننی حائزدر.

سودان شمالی

حدود: - شرقا حبشستان غربا سنغا مپیا جنوبا کینه شمالی
شمالا صحرای کبیر ایله محاطدر. بو مملکت (چاد) کولی (ونیفر)
نهری ایله صولانمقده در بو مملکت شرقدن غربه طوغری (وادای) (بورنو)
قراللقویله (فللاطه) قبیلۀ جسیمه سنی و بوندنماعدا اوفق توفک بیک چوق
قبائلی شاملدر. (قوفا) (تمبوقطو) بلده لری سودان شمالینک مشهور
تجارت موقعلریدر.

سودانیا لره همان جمله مسلماندر ایچرولرنک پت پرست اولانلرده
واردرا هالی معارف و صنایعدن بی بهره در. بو مملکتده انکلتره ایله
فرانسه مابیننک تقسیم اولنمشدر. (ایشته جهالتک ثمره سی)

سودان جنوبی

سودان جنوبی شمالا سودان شمالی جنوبا ناقال مستملکاتی شرقا زنگبار
غربا کینه جنوبی ایله محدوددر. بو مملکتک احوالی هنوز لایقیله معلوم
دگلدر. بوراده خیلی قبیله لر و حتی انسان یمکله معروف و مشیلر
ساکن اولوب، صوگ زمان سیاحلری بو قطعده بک چوق کوللر
ایله نهرلر کشف ایتمشلردر.

مدا غسقار آطه سی

محیط هندیک و موزامبیک ساحلی قارشوسنک واقع غایت بیوک آطه یه
(مدا غسقار) آطه سی دینور. آفریقادن موزامبیک ایله تفویق اولنمشدر.
بیر میلیون قدر اولان سکنه سی متفرق قبیله لردن عبارت اولوب
فرانسز اداره سنک مقر حکومت (تناتاریو) بلک سیدر.

آطه لر

بحر محیط آطاسیک کائن آطه لردن مستقل هیچ بر جزیره یوقدر
هربری آوروپالیلردن بر دولتک انکدر.

(آصور)، (مادر)، (یشیل برون) آطه لریله (پساغوس)، (سن طوما) (پرنس) جزیره لوی پورتکیزاره عائددر.

(قناریه)، (فرناندو پو)، (آمنوبون) آطه لری اسپانیوللرک ملکیدر.

هند دگزنگ کائن (ره ثوینون)، (سن هاری) و (حایوت) آطه لری فرانسزارک تحت تصرفنددر. هند دگزنگ کائن (حاسقارین) (سیشل) (آمیرانت) آطه لریله (سقوطره) و (پریم) آطه سی و بحر محیط غربیه کائن (آسانسیون) و (سنت آلن) آطه لری انکلتربه تابعدر.

آفریقاییالمر

آفریقانک نفوس حقیقک صحیح بر مقدار بیان ایتمک بکک ممکن دگلدر. مع ما فیه ایکی یوز میلیون دن زیاده اولدیغی مظنوندر.

آفریقای شمالی اهالیسی هر نه قدر اسمرایسه ده اسمرالگری کونشک شدت تأثیرندن ایلرو کلوب یوخسه جنس ابیضندلرلر. وسط، جنوب شرق وغربنه اولان قباثل بک متنوع اولوب هپسی بردن (زنجی = زنگی) نامنی آلورلر. آفریقاییلرک بک چوغی مسلماندر. خورستانلر حبشستان اهالیسیله سواحلک متمکن آوروپالیلردر. زنجیلر میاننه پت پرست اولانلرده چوقدر.

حاصلات

معادن : - آلماس و آلتون کبی ذیقیمت معدنلر امید برونی جوارنده و ترانسوال قطعهلرنده چوقچه اخراج اولنور. بر کموری جنوبی یابیلاده، تیمور و باقر کثرتلی صورتده چرایرده، قورشون بحر سفید سواحلنک بولنور.

حبوبات : - بحر سفیده ساحل اولان مملکتلرده غایت برکنلی اوله رق یتیشور. هله مصرده سنه ده ایکی دفعه ایگن یتیشدرمک زمانی واردر حبشستان ایله قاب مملکتی دخی حبوبات یتیشدیرمکله مشهوردر.

آفریقانک مدار سرطان ایله مدار جدی آرالرنده (قوقوروز) (پرجمی)

داری و بغدادی یرینه قائم اولمق اوزره اهالینک باشلیجه مدار تعیشیدر. نباتات: - آق دگز سواهلنده انجیر، پورتقال، زیتون آغاچلری مصرده خرما آغاچی بک گوزل نشوونما بولمقده در. جزایرک همان اونده بریسی کاغد واقمشه فابریقه لرنده مستعمل اولان (خلفا) اونی ایله مزروع اولدیغی کبی صحرای کبیر واهلرنده دخی بک چوق خرما حاصل اولور.

آفریقایه مخصوص و غایت جسیم اولان (باعوباب) آغاچیله، میوه سی فندق لنتنده اولان (اکمک) آغاچی و (فادچوق) و (صمغ) استحصال اولان اشجار ایله (چیدوبده)، قهوه، (بوهر) و سائره خط استوا سمتنده نشو و نما بولمقده در.

حیوانات: - آفریقای شیالده بر هور کچلی دوه ایله آت، اشک، قویون، جسیم جیلان و عزال سوریلری و حیوانات و هشینه دن آرسلان، بارس، چقال ایله زهرلی حیوانلردن ییلان، عقرب و مصر سمتنده تمساح مثللو حیوانلر بولنور، وسطی آفریقاده فرس الماء و بورنی بوینوز ایله مساح کرکدان و زرافه و فیل و قوشلردن پایاغان ایله تویلری تجارتده مقبول اولان سائر قوشلر و جنهلی میمونلر و بیانی طموزلر واردر.

جنوبی آفریقاده آت، اوگوز، صغر و کچی ایله فیل آرسلان کبی وحشی و یرتیچی حیوانلر و غایت بیوک بر نوع دگز قوشی و حیوانات اهلیه بی اهلاک ایدن برنوع سیکک موجوددر. آفریقانک فیللری آسیا فیللرندن کوچک ایسه ده آنلردن زیاده وحشیدر.

آمریقا قطعه سی

آمریقا قطعه سی بش قطعه ایچنده بیوک کسجه ایکنچی درجه ده اولاندر. فقط آطه لری داخل حساب ایدیلورسه آمریقا آسیان دها بیوک اولور.

حدود: - شرقاً اروپا ایله آفریقان تفریق ایدن بحر محیط
 آطلاسی غرباً آسیا و آفسترا لیان ایران بحر محیط کبیر ایله محاط اولدیغی
 کبی شمالی، بحر منجمد شمالی و جنوبی (هورن) برونی ایله نهایتلنور.
 آمریکا ایکی بیوک پارچه دن مرکبدر که هر ایکسینی بربرینه
 (پاناما) نام غایت دار برزخ ربط ایدر. بو برزخک شمالینه آمریقای
 شمالی و جنوبنه آمریقای جنوبی دینور. آمریقای شمالی جنوبندن بیوکدر.
 دگزلر: - بحر منجمد شمالی (کن) بحر قطبیسيله (بافن) و (هودسون)
 دگزلرینی و بحر محیط آطلاسی شمالی و جنوبی آمریکا ما بیننده کائن
 (آنتیل) دگزی و بحر محیط کبیر (بهرک) دگزینی حصوله کتور مشلدر.
 کورفلر: - آمریکانگ مشهور کورفلری شمالده (سن لوران)
 وسطده (مکسیقا) و (قالیفورنیا) کورفلریدر.
 بوغازلر: - شمالده و آسیا ایله آمریکا قطعهلری آراسنک (بهرک) و بحر
 قطبی یی (بافن) دگزینه ربط ایدن (انقاستر) بافن دگزیه محیط آطلاسی
 آراسنک (داوی) و آمریقای جنوبینگ جنوبنه (ماجلان) بوغازی واقع در.
 انهار: - دنیانگ الگ جسم نهرلری آمریکا قطعهلرینه در. آمریقای
 شمالیه (ما کنزیا) بحر منجمد شمالیه (سن لوران) هودسون دگزینه
 (مسیسیپی) مکسیقا کورفلرینه جریان ایدر. آمریقای جنوبیه (اورینوقو)،
 (آمازون) (ریودولپلاتا) نهرلری بحر محیط آطلاسی یه صو ویرلر.
 کرک مسیسیپی کرک آمازون نهرلری کندیلرینه آقان صولرله
 اولدرجه کسب جسمات ایدرلرکه صولری دگز صولرینه قارشمقسزین
 بر خیلی مسافه قطع ایدر. و اکثر یرلرندک ساحلر بر بوندن
 کورنمز. مسیسیپی نهری بر چوق شلاله حصوله کتوررکه الگ
 مشهوری (نیاغارا) شلاله سیدر.
 کوللر: - بو قطعهلر کوللری شمالی آمریقاده واقعدر. بش
 کوللر جمعی دینلان (سوپریور) (میچیگان) (ئریه) (اوناریو)
 (هورن) کوللری ناملریله یاد اولنهرق (سن لوران) نهریله

دکزه قاریشورلر. (نهقاراغوا) کولی ایله (ماراقایبو) بحر آنتیله جاری اولوب (تی قافا) کولی هیچ بر دکزه آقماز.

آطه لر: - آمریکای شمالیه بولنان آطه لر آمریکای جنوبیه

کندن دها زیاده در بحر منجمد شمالیه (بارری) آطه لر یله (ملویل)

(باتورست) بافن دکزنه (دیسقو) هودسون دکزنه (صوطامیتون)

آطه لری واردر. محیط آتلاسیک (غرونلاند) آطه سی واقع اولوب

بر آطه میدریوقسه بر قاچه بارچه قوه دن عبارت میدر معلوم دگلدر. بحر

محیط مزبورده (باهاما) آطه لر یله دها آشایه (آنتیل) جزائر جمعه سی

واردر. بو آطه لر بیوک آنتیل و کوچک آنتیل لردن مرکب اولوب

ایچلرندن (قوبا)، (هایتی)، (ژامایقا)، (پورتوریکو) بیوک، باقیسی

اوافقدر. آمریکای جنوبیه (حالوئن) و (ارض النار) آطه لری شمال

غربیه (آله ٹوسن) جزائر جمعه سی بر سلسله تشکیل ایتمشدر.

یارم آطه لر: - (لابرادور) هودسون دکزیله (سن لوران)

کورفزی آراسنه، (یکی اسقوجیا) مذکور کورفزی جنوبیه (فلوریدا)

و (یوقوتان) شبه جزیره لری مکسیقا کورفزی (قالیفورنیا) ایله

(آلاسقه) بحر محیط کبیرده واقعدرلر.

برونلر: - (فارهول) (غرونلاند) اراضی سنک جنوبیه (شارل)

برونی لبرادور یارم آطه سنک (غرب = پرنسده عال) برونی

آمریکای شمالیه سنک غرب شمالی اوچنده (هورن) برونی آتش

ارضی سندن بولنان بر کوچک آطه ده (فرودار) برونی نفس

آمریکای جنوبیه سنک جنوب اوچنده کائندر.

طاغلا: - غرب برونلر هورن بروننه قدر بحر محیط کبیره

دها یقین بر سلسله عظیمه امتداد ایلرکه بو سلسله لر هر کچدیسی

ملکنه آبرو آبرو اسملر آلورلر. مثلا آمریکای شمالیه (روشو)

آمریکای جنوبیه (عاند) آمریکای وسطی ده (آمریکای وسطی

قوردیلیرالری) ناملریله یاد اولنور.

ژولقان: - قوردیلیه راسلسله طویلله سنه برخیلی ژولقان واردرکه ایچلرندن (سنت الی)، (اوریر)، (ایشمالی) شمالی آمریقاده (آرا کییا) (پشانشا) جنوبیه در.

آمیریقای شمالی

ملکنلر: - آمریکا قطعه سنی آمریقای شمالی، آمریقای وسطی، آمریقای جنوبی ناملریله اوچ قسمه تقسیم ایتمشلدردر. آمریقای وسطی، آمریقای شمالی ایله آمریقای جنوبی آراسنه طارچه بر پارچه بردر.

اراضی قطبیه

آمیریقای شمالینک شمالنه و محیط منجمد شمالیه برچوق آطه لر واردرکه قطبه یقین بولمدیغندن اراضی قطبیه نامی ویرلمشدر. بو آطه لر عموما خالی و بوزلر ایله مستور اولوب اکثریسی بر آطه میدر بوضه بر قاق دانه میدر فرق اولنه من. بونلرک مشهورلری (ملویل) و (بارری) جزائرله (پرنس آلبرن) (پرنس دیغال) (قرال کلیوم) ارضلیدر.

غرونلاند

شرق شمالیده کائن (غرونلاند) اراضیسی دانیمارقه یه تابع جسیم بر قطعه در، سنه نیک بر چوق زمانلرند قار و بوز یغینلریله مستور اولان بومملکت اهالیسی، دانیمارقه مهاجرلریله (اسکیمو) دینلان قبیله لردر بونلر جنوب ساحلنه بعض محلنه اسکان ایدرلر. مقر اداره سی (فره دریقسه اب) شهری اولوب (غوتها) قطب شمالی یه ائک یقین اولان شهردر.

بریتانیای جدید = قانادا

حدود: - شرقا بحر محیط آطلاسی و سن لوران کورفی جنوبا جماهیر منقعه غربا بحر محیط کبیر و (غالاسقا) یارم آطه سی شمالا بحر منجمد شمالی ایله محاطدر بو قطعه نیک هواسی غایت صغوق اولوب

چوق یولری خالیدر. معمور محللری جنوب شرقیده واقع در. بوراسی
انکلتره مستملکاتی اولوب اهابسی (اسکیمو) (هندی) (فرانسز)
(انگلین) اقوامندن عبارتدر. شرق ساحلنده کائن (ارض جدید)
آطه سیله (پرنس ادوارد) و (برمود) جزائر جمعه سی و غرب ساحلند
(رین شارلوط) بورایه مالقدر. ارض جدیدک جنوبندک واقع (سن بیهر)
(مکیه لیون) آطه لری فرانسز لریدن در.

مشهور شهرلر: - (کبک) (۶۲۰۰۰ نفوس) سن لوران اوزرنک
کائندر: (مونره آل) (۱۵۰۰۰۰ نفوس) سن لوران اوزرنک عظیم
تجارتگاه بربلک در. (اوتناوا) شهری عموم بریتانیا جدیدک مقریدر.
بو قطعه ده دورت میلیونندن زیاده نفوس موجوددر.

جماهير متفقه = سوییدینینای اشتاتی

حدود - شمالا بریتانیا جدید، جنوبا مکسیقا و مکسیقا کورفزی
غربا بحر محیط کبیر، شرقا بحر محیط آطلاسیله محیط اولوب
آوروپانک بیشک دوردی قدر اولان بومملکنک همان هر بریری
معمور و مسکون اولوب زراعت و تجارت و صنایع و علوم و فنون پک
سرعتله ترقی ایتمشدر. آلتمش میلیونندن زیاده اولان اهابسنک
قسم اعظمی انگلیز اولوب فرانسز و آلمان مهاجرلریک آزدکلدر.
دنیا نکلر زسکین معدنلری بومملکنک در. اصول اداره جمهوریه در.
شمالده کائن آلاسقه شبه جزیره سی دخی بورایه مالقدر. بو قطعه
چوق نهرلر اروا ایتمکنده اولوب انک مشهورلری (سن لوران)
(میسیسیپی) نهرلریدر. دنیا ده بو نهردن ده اوزون نهر یوقدر.
مشهور شهرلر: - (واشنگتون) (۱۵۰,۰۰۰) نفوسلی بر شهر
اولوب بتون جماهير متفقه نکلر مرکزیدر. (نیویورک) (۳,۰۰۰,۰۰۰
نفوس) آمریکانک تجارت و کثرت نفوسچه برنجی بلده سیدر.

(فیدلادلفیا) (۸۵۰,۰۰۰) نفوس، (بوستون) (۳۶۰,۰۰۰) نفوس)
 (بالتیمور) (۳۳۰,۰۰۰) نفوس، شیکاگو (۵۷۰,۰۰۰)، (اورلئان) (۲۱۶,۰۰۰)
 نفوس، (سن لوی) (۳۵۰,۰۰۰) نفوس، (سان فرانسیسکو) (۲۴۰,۰۰۰)
 نفوس) شهرلری بیک زیاده مشهور اولوب فابریقه و دارالعلوملرله
 مملودر. بونلردن ماعدا یوز بیکنن زیاده نفوسه مالک اولان دهابیک
 چوق شهرلر واردر.

آژروپا، آسیا، آفریقادن کلان مهاجرلر ایله بو مملکتک نفوسی
 کونندن کونه زیاده لشمکده در. تحصیل علومی مجبوری اولدیغندن
 اوقوب یازمیه بیلمیان بر مهاجری مملکتلرینه قبول ایتمیورلر.

(۲) مکسیقا

مکسیقا مملکتی شمالا جماهیر منفقدهن تفریق ایدن (ریودل نورته)
 نهری و شرقا مکسیقا کورفزی و جنوبا (غواتمالا) حکومتی و غربا بحر
 محیط کبیر و قالیفورنیا کورفزیله محدوددر. اون میلیون قدر تخمین
 اولنان اهالیسی اسپانیالیلریله هندیلردن عبارت اولوب مذهبلری
 قاتولیک لسانلری اسپانیولچه در. بو مملکت طاغلق اولوب هواسی
 لطیف و طوپراغی منبت اولدیغندن قاقاؤ، شکر قامشی، واینلیا،
 پاموق، توتون کلپتله حاصل اولور. بونلردن ماعدا دنیانک انک زکین
 کموش معدنلری بوراده در. بو مملکت جمهوریت اوزرینه
 اداره اولنوب (مکسیقا) بلدهسی مقر حکومتی در، (۲۵۰,۰۰۰) نفوس
 (لاپوئبلا) (۷۰,۰۰۰) نفوس (غوادالایارا) (۹۳,۰۰۰) نفوس (عاقا پرلقو)
 شهرلری دخی مشهوردر.

بلیز

یوقاتان یارم آطه سنک شرقنه بر اوفاق انکلتره مستملکانی
 واردرکه مقری (بلیز) اسمنه بر شهردر.

آمریقای وسطی

مکسیقا حدودندن آمریقای جنوبی به قدر بر اوزون برزخ امتداد ایلرکه ایلك طارمعلی (پاناما) در بو برزخ کبیرده آلتی جمهوریت موجوددر.

- ۱) غواتمالا (۲,۰۰۰,۰۰۰ نفوس) جمهوریتی مقری (غواتمالا) شهریدر.
- ۲) هوندوراس (۳۵,۰۰۰ نفوس) مقری (قومایاغوا) شهری.
- ۳) سانسالوادور (۶۰۰,۰۰۰ نفوس) مقری یینه (سانسالوادور) در.
- ۴) نیقاراغوا (۲۷۰,۰۰۰ نفوس) مقری (ماناغوا) شهریدر.
- ۵) قوستاریقا (۱۸۰,۰۰۰ نفوس) مقری (سان ژوزه) بلک سیدر.
- ۶) جماهیر متفقہ حمایه سنده یگی تشکل ایمن وپاناما قنالیینی حاوی اولهچق اولان (پاناما) جمهوریتیدر.

آنتیل آطه لری

هایتی آطه سنده ایکی حکومت مستقله واردرکه بوی (هایتی جمهوریتی) (۸۰۰,۰۰۰ نفوس) مقری (پورتو پرنس) شهریدر. دیکری دومینیکا جمهوریتی اولوب (۱۵۰,۰۰۰ نفوس) مقری (سان دومنغو) شهریدر. (قوبا) آطه سی جماهیر متفقہ حمایه سنده یگی تشکل ایمن بر جمهوریتندر. بو آطه مقدا اسپانیایه تابع ایلی. مقری (هاوانا) شهریدر.

(پورتوریکو) آطه سی اسپانیایه تابع اولوب مقری (سانتیاغو) شهریدر. (ژامایقا) انکلتره یه تابع اولوب مقری (کنگستن) شهریدر. کوچک آنتیللردن اون آلتی دانسه سیله (ترینیداد) جزیره سی (برمودا) جزائر مجتمعه سی (باهاما) جزیره لری انکلتره یه تابعدر. (مارتینیکو) (غوادالوب) جزیره لریله تابعی فرانسه یه تابع اولوب مقری (فورد و فرانس) شهریدر. یینه کوچک آنتیللردن اوچ دانه سی دانیمارقه نك ویش دانه سی دخی هولاندنه نك تملکنده در.

قولومبیا

اوج میلییون قدر سکنه یه مالک اولان قولومبیا مملکتی آمریقای جنوبینک شمال غربی جهتنده واقعدر. مشهور (پاناما) برزخی اراضی سیده بو مملکته مربوط ایدی لکن بو کونلرده تفریق اولنمشدر. اصل اداره سی جمهوریتدر. مرکزی (بوغاتا) شهریدر. (قارتاژن) دخی مشهوردر.

اکواتور = خط استوا جمهوریتی

تماما دائره استوا آلتنده اولان بو مملکت بحر محیط کبیره ساحلدر. مقر حکومتی (کیطو) شهریدر. (غاپاغو) آطه لری بنورایه ماحقدر. مقدار نفوس بر میلیوندر.

ونهزولا جمهوریتی

جنوبی آمریقانک شمالنده واقع (ونهزولا) مملکتی کاملاً (اورینوقو) نهریله صولانمشدر. بوراده قهوه، شکر قامش، قاوچوق کثرتله حاصل اولور. مقر حکومتی (فارا قاس) (۷۰۰۰۰ نفوس) شهریدر. (ماراقایبو) کورفونده ماراقایبو شهری دخی مشهوردر. مقدار نفوس ایکی میلیوندر.

گویانا

آمریقای جنوبینک شمال شرقی ساحلنده (آمازون) ایله (اورینوقو) نهرلری آراسنده واقع مملکته گویانا اراضی سی دینور. گویانا اوج قسمدر. برنچیسسی انگلیز گویانی ایکنچیسسی فرانسز گویانی اوچنچیسسی فلمک گویانیدر. انگلیز گویانینک مقری (ژورژتون) فرانسز گویانینک مقری (قایمان)، فلمک گویانینک مرکزیده (پارما ریبو) شهرلریدر.

برازیلیا

جنوبی آمریکا مالکندن ایک بیوگی اولان برازیلیا اراضی سی
 آمریکای جنوبینک نصفی قدر ایسه ده اهالیسی اونسبتنه چوق دگلدر.
 مشهور آمازون نهری ننگ بیوک قسمی بو مملکت داخلندر. بوقطعه ده
 صیجاق چوللر و ایچروسنه کیرلمسی ممکن اولمیان اورمانلر واردر.
 قهوه حاصلاتی کثرتلیدر. آلماس و سائره کبی ذیقیمت طاشلرله آلتون
 و دمیر معدن لری بولنور کرسی اداره سی آمریکای جنوبی بلد لری ننگ
 برنجیسی اولان (ریبودوژانیرو) شهریدر (۳۵,۰۰۰ نفوس). (سانسا
 لوادور) (۱۴۰,۰۰۰ نفوس)، (پرنامبوقو) (۱۳,۰۰۰ نفوس) شهرلریله
 آمازون نهری آغزنده کائن (پارا) شهری دخی مشهوردر. مقدار
 نفوس عمومیسی اون بش میلیون راده سنده در.

پهرو جمهوری

پهرو جمهوری آمریکای جنوبینک غرب ساحلنده واقعدر. سکنه سی
 اوچ میلیون نفوسدن عبارتدر. مقری (لیما) بلده سیدر (۱۲۰,۰۰۰ نفوس).

بولیویا جمهوری

بولیویا جمهوری آمریکای جنوبیده هیچ ساحله مالک اولمایان
 بر مملکتدر ایکی میلیون قدر نفوسه مالک اولوب مرکزی (شوکیزاقا)
 شهریدر (۲۴,۰۰۰ نفوس).

شیلی جمهوری

آمریکای جنوبینک غرب ساحلی بوینچه اوزانمش طاغلق بو
 مملکت اولان شیلی قطعه سی ایکی بیچ میلیون نفوس شاملدر
 (سانتیاغو) (۱۵۰,۰۰۰ نفوس) شهری مقر اداره سیدر. مشهور
 (شیلوئه) آطه سیده شیلی به ماحقدر.

آرژانتینا جمهوری

بو حکومت اوج میلیون قدر نفوسه حا کمدر. مقر حکومتی ریود-
ولاپلاتا ساحلنک کائن (بوئوس آیرس) شهریدر. (۲۶۰,۰۰۰ نفوس).

آراغوای جمهوری

مقدار نفوس (۲۴۸,۰۰۰) دن عبارت اولان بو جمهوری
برازیلیا ایله آرژانتین آراسنده کائندر. مقر حکومتی ریودولاپلاتا
نهرینک جانب شرقیسنده کائن (مونته ویدو) شهریدر.

پاراغوای جمهوری

(۴۷۰,۰۰۰) نفوسه حا کم اولان بو جمهوریته موری (آسانسیون)
نام بلدهدر. اهالینک کافه سی برلی اولوب ایچلرنده آوروپالی بوق
کبیدر. آمریقای جنوبی حکومتلرنده تکلم اولنان لسان اسپانیولچه
اولدیغی حالده بومملکتک سکنه سی کندی لسانلریله تکلم اینمکده درلر
آمریقای جنوبی سکنه سنک عمومیتله مذهبلی قاتولیکدر.

آمریقای شمالیده بو کونکی کزنده (۸۵) میلیون قدر نفوس
واردر. بومقدارک بالکز (۶۰) میلیونی جماهیر متفقہ آمریقاددر.
آمریقانک برلی اهالیسی اولان قزل رگلی وحشیلرک بو کونگی
کونده آمریقای شمالیده مقدارلری آزالمشدر. اصل آمریقالی
بونلر یعنی قرمزیلر ایسه ده زمانمده بو اسم قطعیه مقدا
مهاجرت ایندن آوروپالیلره دینور.

حاصلات

معادن: - شمالی آمریقادهر نوع معادن دن بشقه آلتون وکوموش
کبی ذیقمت معدنلر بک چوق بولنور. آلتون وکوموشک کثرتله
بولندیغی محل، جماهیر متفقہ وکسیقا اراضی سیدر.

نباتات: شمالی آمریکانک محصولات نباتیه سی میاننده حبوبات (جماهیر متفقه) نك غربی سمتلرنده ، پاموق جنوبی جهتنده ، آصمه (قالیفورنیا) ده، شقولاتا اعمالنده مستعمل قاقائو، واینلیا، و بویاچیلنقه قوللانزیلان برنوع قامش، توتون، قهوه، شکر قامشی آنتیل آطلرلرنده نشو ونما اولور.

شمالی آمریکانک طاغلق بیرلرنده غایت واسع چام - ناراطا و رمانلری واردر. چایر و مرعالر و هله میسیسیپی موضه سنده گی وسعت جسیمه ده امتداد ایلیان چایرلر ایشلندیریلرله رك ترلاره تحول اولنمقده در.

حیوانات: - آمریقای شمالینک جهت شمالیه سی اراضی قطبیه یه یقین بولندیغیچون منطقه منجمده ده یا شایان حیواناتک کافه سی بوسمتده بولنمقده در. (مورس) تعپیر اولنان و دیشلری ایله ایچ یاغی تجارتده غایت معتبر اولان دگز آیغری ایله غایت ایری آیو بالقلر و کورک ایچون دریلری قیمندار اولان بیاض آیو بیاض دلگی (ثعلب) و اراضی قطبیه سکنه سی علی الخصوص اسکیمولرک آولامقده اولدیقلری بسوز اوزرنه قزاق - چاناکمگه آلیشدیریلان (لاپلاندا) کیکی مسک اوکوزی بوسمته مخصوصدر. بوندن بشقه شمالی آمریقا ده بر عتیق حیواناتندن بیاض آیو و صاری آیو و کیسک بر قاج جنسی ایله تجارتده آرانزیلان قوندوز، پرچملی یبان صغری، واشاق قوغار دینلان برنوع وحشی قیلان، قوشلردن آق بابا، قرتال و کوگر چین بولنمقده در. چنغراقلی دینلان و غایت زهرلی اولان بر نوع بیلان قولرده کثرتله بولنمقده در.

جنوبی آمریکا قطعه سی اوتوز میلیون قدر نفوسی بسلمکده در هندی دینلان اصل اهالی سنک مقداری ایکی میلیونی تجاوز ایتمز. مع مافیه بو جنسک متعدد نوعلری واردر بر قسمک باشلری درت کوشلی و برونلری قیصه و بر قسمک باشلری طولانیدر. بنی بشرک الک ایسری سی اولان پاتاغونلر بویا میلیدان اولوب آمریقای

جنوبینک اڭ جنوب اوچنده تر کلك ایدر لر . جنوبي آمریقادہ آفریقالی برخیلی زنجی ایله جنس ابیض ایله یولیلرک اختلاطنین حاصل اولان (ملز لر) دخی واردر . آوروپالیلر بو قطعده دخی کثرتلیدر . وهر سنه مهاجرت ا کسک دکلر . اسپانیول وپورتکیزلر زیاده مقدارده درلر .

حاصلات

معادن: - آندلسله سی جوارنده آلتون، کموش، باقر، کهرچله معدنلری کثرتله بولنمقده در . برازیلیاده بک زنکین آلماس معدنلری واردر .

نباتات: - قولومبیا وونه زولا مملکتلری ایله آمازون نهروی جوارنده بالطه کیرمک وانسان آبیاقی باصمدق قاین اورمانلری واردر . جنوبده برازیلیا وگویان جهتلرنده اورمانلر وبطاقللر کثرتلیدر . مع مافیله بوسمتک قهوه، شکر قامشی، قاوچوق، و(پرو) آنداسی یماچ لرنده طبابتده مستعمل اولان (قناقنا) محصولی بک کثرتلیدر . شیلی مملکتنک اعتدال هواسی یولنده اولدیغندن آصمه، زیتون آغاچلریله جنوب سمتلرنده آوروپا اشجارینه مشابه آغاچلری شامل جسیم اورمانلر موجوددر، حیوانات: - آمریقای جنوبیده گی حیوانلر بیر عتیقده موجود

حیوانلره زیاده سیله مشابهدر . تمساح فامیلیاسندن بر نوع حیوان غایت اوزون قویروقلی مایمونلر وژاقارا دینلان قاپلان بورصوق وتولکری صنایع و تجارتده مقبول دوه قوشی جنسی ایله بر نوع غایت کوزل پاپاغا واون بش آرشین طولنده غایت ایبری وقورقچ بیلان و (پوما) دینلان وپه روده کثرتله تصادف اولنان آرسلان بو قطعده نڭ باشلیچه حیوانلریدر .

آرژانتینده (پامپاس) دینلان یمانی آت و اگو زلر سوریلرله گزمکده و ماچلان بوغازنده غایت جسیم (عنبر) بالقلری مشاهده اولنمقده در .

آوسترالیا = اوقیانوسیا قطعہ سی.

اوقیانوسیا قطعہ سی بحر محیط کبیرده واقع بر چوق جزائر دن عبارت اولوب جزائرک کافہ سی همان آروپا دولتلسری تملکنده اولنہرق یالکیز بر قاچی یرلی ومستقل حکمدارلر اداره سنمده در. اوقیانوسیا قطعہ سی بوکونگی کون اوج قسمہ تفریق اولنمشدر. غربده (مالیزیا) وجنوبده (ملانیزیا) شرقده (پولینیزیا).

مالیزیا.

مالیزیا قسمی آسیا اراضی سننن (مالافہ) بوغازی وچین دکری ایله تفریق اولنمش اولوب (فیلیپین)، (مولوک)، (سونده) جزائر مجتمعہ سیله (بورنئو) و (سلب) آطہ لرندن عبارتدر. فیلیپین آطہ لری جماہیر متفقہ یہ عائد اولوب مقرر حکومتی (مانیلا) شہریدر (۱۶۰,۰۰۰ نفوس) تکمیل فیلیپین آطہ لرینک سکنہ سی بش میلیونن زیادہ در. (مولوک)، (سونده) جزائر مجتمعہ سیله (بورنئو) و (سلب) آطہ لری فلمنک حکومتنہ تابعدر. بو مستملکانک نفوس موجودہ سی اوتوز میلیونہ قریب اولوب محصولات معدنیہ و نباتیہ سی غایت چوقدر.

آطہ لریک الک اہمیتلی اولانی (جاوہ) آطہ سی اولوب یکرمی میلیون نفوسی حاویدر مقرر حکومتی بو آطہ دہ کائن اولان (باتاویا) شہریدر (۲۷۰,۰۰۰ نفوسی) اہالیسی اکثریتلہ اسلامدر.

یرلی حکومتلر: - صونک آطہ لرندن معدود اولان (صوما طرا) آطہ سنک غرب شمالنک کائن (آچہ) حکومت اسلامیہ سیله (بورنئو) آطہ سنک غرب شمالنہ حا کم اولان (بورنئو) حکومتیدر.

اولینک مقری (آچہ) شہری اولدیغی کچی دیکرینک دخی (بورنئو) شہریدر. مالیزیا آطہ لرینک بش میلیونن زیادہ اسلام

وارد. بشقه مالیزیالیلر بو هیلردر. بورنه ئو شهری قارشوسنده کائن (لابوغان) آطه سی انکلیزرلر اداره سنده اولدیغی کبی صونده آطه لرندن معدود اولان (تیمور) آطه سیده پورتسکیزرلرک مالیدر.

ملانیزیا = آوستره لازیا

ملانیزیا الیوم بش بیوک آطه دن عبارتدرکه اکثر سکانی سیاه اولوب کون بکون تناقص ایتمکله و آوروپا مهاجرلری بیلرینی اشغال ایتمکده در بو آطه لر (اوسترالیا) (طاسمانیا) (شمالی یکنی زلاند) (جنوبی یکنی زلاند) و (کینه جدید) آطه لری اولوب دورت اولسکیلری کاملا و (کینه جدید) دخی قسما انکلتره تحت تصرفنده در.

آوسترالیا آطه سی: - آوسترالیا آطه سی آوروپاننگ اوج ربعی قدر اراضی بی حاوی اولدیغی حالده نفوسی ایکی میلیوندن آز زیاده در. بو قطعنهنگ هواسی علی العموم معتدلدر بو آطه ده (مررای) اسمنده جسیم بر نهر جریان ایدر. مقر اداره سی (سیدنی) شهریدرکه (۲۳۰,۰۰۰) نفوسی حاویدر. (ملبورن) شهری دخی غایت تجارتگاه بر بلده در. (۲۸۰,۰۰۰) نفوس اوشبو قطعۀ جدیدده صنایع کون بکون ترقی ایتمکله در. آلتون ایله یون آطه ننگ باشلیچه اخراجاتیدر. طاسمانیا: - طاسمانیه آطه سی (۲۶۰,۰۰۰) نفوسی شامل اولوب مقر حکومتی (هوبارت تون) شهریدر.

یکنی زلاند: - یکنی زلاند آطه لری (۴۰۰,۰۰۰) نفوسی شامل اولوب هواسی غایت گوزلدر. مقر حکومتی شمالده کائن (اوقلند) شهریدر.

کینه جدید: - کینه جدید جسیم وهنوز مجهول بر آطه اولوب ساحل شرق شمالیسنی آلمانلر ساحل شرق جنوبیسنی انکلیزرلر و قسم غربیسنی هوللانک لیلر استملاک ایتمشالدر.

پولینیزیا

پولینیزیا آطه‌لرینک چوغی اوقف و غیر مسکون و ابوجه‌لری
 آروپا دولت‌لرینک تحت حکومتینه داخلدر. پولینیزیا سکنه‌سی وحشت
 کامله حالنده یا شامقده و آروپا مدنیتیه مانوس اولمیوب آزالمقدهدر.
 پولینیزیا آطه‌لرندن (قارولین) و (ماریان) جزائر مجتمعه‌لری
 اسپانیانکدر. (ویتنی) (نورفولک) (مارکیز) آطه‌لریله (ژیلبر)
 و (سالامون) آطه‌لرینک بعضلری انکتره ملکنددر.
 (یکئی هبرید) (یکئی قاله دونیا) (تایتی) (غامبیه) (نوقاهیر)
 آطه‌لری فرانسه‌یه عائددر.

(ونیون) (فنیکس) (سانداویچ - هاوای) آطه‌لری
 جماهیر متفقنک تحت اداره‌سنددر.

(بسمارق) (یکئی پومیرانیا) یکئی مکنبورغ) جزائر مجتمعه‌سی
 و سمت شمالیده کائن (مارشال) و (رالیف) آطه‌لری (ژیلبر) و
 (سالامون) آطه‌لرینک بعضلری آلمانیا مستملکاتندن معدوددر.
 اوقیانوسیا آطه‌لرینی تفریق ایسن بوغازلرک مشهورلری
 آتیده‌گیلردر: مالاقا بوغازی. مالاقا شبه جزیره‌سیله صوما طره آطه‌سی
 آراسندهدر. ماقاصار بوغازی (بورنه‌ئو) و (سلب) آطه‌لری آراسندهدر.
 طوروس بوغازی: - آوسترالیا ایله (کینه) آراسندهدر. قوق
 بوغازی: - (یکئی زلاند) آراسندهدر. اوقیانوسیا اهالیسی: - اوقیانوسیا
 قطعه‌سند مسکون یرلی اهالی باشلیچه اوچ سلاله‌یه منسوبدر:

مالزله: بو سلاله‌نک انسانلری تویسنز و بویلری قیسه ورکلری
 قرمز مسی سیاهیدر

پولینیزیا لیلر: - بو سلاله‌نک رکلری آچیق و سیما‌لری منتظمدر.
 ملانیزیا: - بونلرک رکلری سیاه ایسه‌ده آفریقا رنجیلرندن بسبتون
 بشقه‌درلر.

حاصلات

قطعه اوقیانوسیه ده آسیاده یتیشان حبوبات (پرنج، قهوه، بهاریات) ایله بعض معادن بولنور. مع مافیله آوروپانک اشجار متعدده سی اوقیانوسیا ده پک سرعتله نشو ونما بولمقده در.

حیوانات: - اوقیانوسیا ننگ حیوانلری آوروپا وسائر قطعه لرنک حیوانلرینه بکنه مزله. صوند، فیلیپین، بورنه و آطه ارنده قیلان وغایت ایری میمونلر وقانغورو دینلان (قارننگ آلتند بولنان برکیسه ده یاورولرینی بسلیور) بر نوع حیوان ودرت آیاقلی اولدیغی حالده قوش کبی غاغاسی اولان وطاوق کبی یهورطه لیان حیوانلر بوقطعه یه مخصوصدر.

آوروپا مستملکاتی

روسیه مستملکاتی: روسیه (سبیریا)، (ماوراء بحر حزر)، (آسیای وسطی) و (قافقازیا) قطعه لرینه مالکدر. بو قطعه لر آسیاده کائندر. انکلتره مستملکاتی: - انکلتره آسیاده (عدن)، (هندستان)، (ولمیسلی) و (برمان) اراضی سیله (مالاقه) شهرینه و برده (پریم) (لاقدیو) (سرندیپ) (پولونپنانه) (سنگاپور) (آندامان) (نیقوبار) (مسوگی) (هونغ قونغ) آطه لرینه؛ آفریقاده (سنگامبیا) (فریطون) (قاب قوغاست) (لاغوس) (بنن) (قاب) (ناتال) (بربره) (زیلع) اراضی سی ایله (سنت لن) (آسانسیون) (سقوطره) (سیشل) (آمیرانت) (ماسقارین) آطه لرینه آمریقاده (قنادا) (بلیز) (گویان) قطعه لر یله (ارض جدید) (پونس ادوار) (بومود) (رین شارلوط) (ژامایقه) (کوچک آنیل) (ترینیداد) (باهاما) جزائرینه (اوقیانوسیه ده لابسوغان) (آوسترالیا) (طاسمانیا) (زلاند شمالی) (زلاند جنوبی) (کنیه جدید) (ویتنی) (نورفولک) (مارکیز) (ژیلبر) (سالامون) آطه لرینه مالکدر.

ترکیا مستملکاتی: - ترکیا آسیاده (آناتولی) (سوریه) (عراق) (عربستان) قطعه لر یله (ردوس) (ساقز) (قبریس) (مدیله) آفریقاده (مصر) (طرابلس غرب) (طونس) اراضی سنه مالکدر.

فرانسه مستملکاتی: - فرانسه آسیاده (بوندرشیری) (قاریقال)
 (ماها) (شاندارناغور) (یانادون) شهرلرینه (طونکین) (قوشنشین علیا)
 (قوشنشین سفلی) اراضی سنه (پلوقوندر) جزیره لرینه آفریقاده (سنگامبیا)
 (غران بسان) (آسین) (دابو) (غابون) (براززاول) (اوبوح) اراضی سیله
 (مداغسقار) (رهئونیدون) (سن ماری) (مایوت) (بوربون) آطه لرینه
 آمریقاده (گویان) (قطعه سیله (سن پیدر) (میکه لون) (مارتینیکو)
 (غوادالوب) آطه لرینه اوقیانوسیا (یکئی هبرید) (یکئی فالادونیا)
 (تاینی) (غامبیه) (نوقاهیدو) آطه لرینه مالکدر.

پورتسکیز مستملکاتی: - پورتسکیز لر آسیاده (دیو) (دامان) (غوته)
 شهرلرینه آفریقاده (سنگامبیا) (لوغاندا) (موزامبیک) اراضی سیله (آصور)
 (مادر) (یشیل برون) (پساغوس) (سن طوما) (برنس) آطه لرینه
 اوقیانوسیا (تیمور) آطه سنه مالکدر.

اسپانیامستملکاتی: - اسپانیول لر آفریقاده (صحرای کبیر) ساحلی
 ایله (قتاریه) (فرناندوپو) (آننه بون) آطه لرینه آمریقاده (پورتوریقو)
 آطه لرینه اوقیانوسیه ده (قارولین) (ماریان) آطه لرینه مالکدر.
 آلمانیا مستملکاتی: آلمان لر آفریقاده (پاغایدا) (قامرون) (دامارا)
 (ناماقوا) (زننگبار) اراضی سنه اوقیانوسیه ده (کینه جدید) (بسمارق)
 (یکئی مکلنبورغ) (ژیلبر) (سالامون) آطه لرینه مالکدر.

باچیتا مستملکاتی: - آفریقاده کائن فونغو قطعه س باچیتا نکدر.
 ایتالیا مستملکاتی: - دانیمارقه لیلر آمریقاده (غروندلاند) اراضی سیله
 (کوچک آنتیل) لردن اوچنی استملک ایتمشلردر.

هوللاند مستملکاتی: - فلانک لر آمریقاده (دورت آنتیل) آطه لرینه
 اوقیانوسیا ده (مولوک) (صوند) (بورنمو) (سلب) آطه لرینه (کینه جدید) ک
 بر قسمه مالکدر.

جماهیر متفقه مستملکاتی: - آمریقایلر آفریقاده (لیبیریا) اراضی سیله
 اوقیانوسیا ده (اونیون) (فینکس) (هاوای) (فلیپین) آطه لرینه مالکدر.

معارف کتب خانہ سی طرفندن نشر ایڈلمش کتابلو:

تین	۸	بھاسی	منتظم الفبا (رحیم خلفہ) اثری.
»	۱۲	»	مدخل جغرافیا حارث فیضی
»	۲۰	»	علم اشیا (حارث فیضی) اثری برنجی جزئی.
»	۳۰	»	علم اشیا ایکنچی اوچنچی جزئی.
»	۱۰	»	تاریخ انبیا برنجی وایکنچی جزئی برگہ.
»	۲۰	»	مختصر جغرافیای عمومی (عبیداللہ مخدوم فیضی) اثری.
»	۱۵	»	قراءت ترکیبہ برنجی قسمی (» » »)
»	۱۰	»	مختصر علم مال (» » »)
»	۴۰	»	مفصل علم مال (» » »)
»	۱۲	»	فن تاریخ (عثمان جلیلر) اثری.
»	۵۵	»	تاریخ عمومی (مرادبک) اثری اوچ جزئی برگہ.
»	۱۵	»	حساب مسئلہ لوی (والتسوفندن) ترجمہ.
»	۶	»	پر مکتب بالاسینک سوزلری.
»	۲۵	»	مختصر هندسہ (داویدفلدن) ترجمہ.
»	۲۰	»	مسائل الحساب (قاسم بیکقولف) اثری.
»	۱۵	»	ترکی ازقو ایکنچی مرتبہ باصلدی.
»	۵	»	بندآلامانی طاش باصمہ بالارغہ کوچرب یازار ایچون فائدہ لی کتاب.
»	۱۰	»	معلملرہ نمونہ ۱۹۰۷/۸ ییل ایچون.
»	۵	»	ارکان اسلام ننگ برنجسی ایمان (عماد چورکلی) اثری.
»	۸	»	» » » ایکنچی نماز
»	۱۲	»	» » » اوچنچی زکات صوم، حج

←→→→
آدریس: